


事傳而無姓氏者
列女而異傳者
閨秀而詩傳者



AE
4
T8
1689
v.9

三才藻異

三才藻異

古董屠粹忠芝巖著

黃廷銘又堂校

事傳而無姓氏者

河上公

結廬河濱漢文讀老子未解詣問欲屈坐躍空中帝謝乃授素書曰熟此自解

衆妙之門。虛空之脈。得則尹喜失則不害。

漢濱父

桓帝過雲夢老父獨耕不輟張溫異之下車與語曰勞人自縱安忍觀乎

澤嗟嗷雁野泣荒禽爾忘側目誰則盲心

洞庭老人

卓彥恭夜過洞庭漁舟棹旁問有魚否曰無魚有詩鼓枻而歌問名不答

舟○行○月○下○魚○躍○詩○中○烟○波○名○利○收○貯○釣○筒○

楚江漁者

得魚換酒輒自放歌江陵守崔鉉問之曰子牙子陵釣其名耳

歡○伯○杯○酬○彭○郎○釣○把○焉○用○文○之○惡○其○著○也○

漢陰丈人

卽子貢入楚見抱甕以灌者

甘○灌○甕○冥○機○心○海○鷗○千○個○伴○爽○鳩○一○厘○氓○

古帝有爽鳩氏

江上丈人

子胥奔吳得渡解佩劍酬之不受命其勿露遂覆舟而逝

贈○劍○不○受○誓○以○覆○舟○舟○之○覆○也○覆○楚○之○由○

木客

在興國上洛山形類鬼自言秦時造阿房採木者食木實得不死能詩時就飲民間

爲○逃○政○虎○得○慕○修○羊○杯○澆○過○客○詩○笑○勤○娘○

蛩也

嗇夫

漢文以虎圈嗇夫對禽獸簿甚悉詔拜上林令張釋之諫止

取○人○以○言○匡○君○以○直○灌○灌○有○聲○喋○喋○無○色○

番吾君

趙烈王賜歌者田相公仲連不與稱疾番吾君勸進三士而田止

幡○然○改○悠○然○箴○優○雖○無○樂○土○士○却○有○知○音○

灞橋叟

蕭穎士出橋左逢叟曰君貌似齊鄱陽王恢卽蕭八代祖也問之知是舊書佐

八○世○已○遙○一○形○猶○訝○何○識○鳳○雛○不○從○鶴○化○

叟年三百廿七

蕭何客

客說何曰相國功高疑不淺胡不多買田地賤貫貸以自污從之上悅

解裘釋嫌請田重託全身以污味言有藥

許貢奴

孫策殺吳郡守許貢貢奴三人欲報仇乘策出獵射中頰創卒

荆七空藏讓衣徒朽爭似僕姑得心應手

箭名金僕姑

魯兩生

叔孫通欲制禮召諸生于魯所不能致者二人

旌旄閉戶鶴鹿司閤兩賢高尚二戴長存

金十子

金世宗時民有妻生六子妾生四子妻死十子廬墓更宿守之三年如一

葛藟恩洽風木思均塚眠狐兔豈盡螟蛉

舍人兒

項王下外黃欲盡坑男子十五以上者以兒諫乃舍

總角探驪重瞳納牖白首黑黔皆生黃口

匈奴使

魏武自以形陋使崔琰季珪代帝自捉刀牀頭密遣問曰捉刀者英雄也殺之

奸雄自有真碧眼能窺破假曹瞞瞞不過

披裘公

五月披裘負薪吳季子令取道上遺金曰何居已之高而視人下也

裹不熱目無遺投竿猶可學挂劍尚難窺

貫珠者

齊襄渡淄有老人病涉田單解裘衣之王忌岩下貫珠者曰王不如因為已善

解非市德忌恐受誣片言完璧一貫慧珠

與栗賢者

孟嘗君與栗以養其母孟嘗被譖與栗者自頸宮門以明其冤乃復召

殉○之○以○身○易○之○以○栗○其○師○中○山○其○友○北○郭○

北郭騷刎白嬰

營陵道人

能令見死婦有求見者語聞鼓即出其人遲絕裾去後葬見婦棺有裾

裾○可○絕○衫○不○泣○非○李○少○君○儔○即○任○處○士○術○

苗劉刺客

張俊夜見客曰僕不為賊用公備不嚴恐有後至者問名不答而去

順○逆○深○知○行○藏○莫○測○戒○浚○一○言○延○宋○半○壁○

荊蒯芮僕

崔杼弑莊芮驅車入死僕曰亂君猶死治長可生平結轡自刎車上

主○僕○殉○貞○應○若○桴○鼓○結○轡○結○纓○智○愚○踵○武○

陳留郡吏

王平子過陳留問士吏舉蔡子尼江應元以對王意在爵不在賢也

月旦在野刀筆皆人未知鵠隱豈好龍真

絳縣老人

晉人不言甲子師曠以亥字斷之知爲七十三矣

何物老翁不言甲子誰識鑽龜不如斷豕

卽墨大夫

齊王建欲入秦諫曰齊地數千里威謀可立事秦非計也不聽遂亡

松栢將歌芻蕘誰識義不帝秦恨無封卽

東郡主簿

王尊遷東郡守堤隤尊請以身填吏民皆走維一主簿旁立水稍避

事以膽決功在志堅鯨威之烈見屈羊顓

南安翁

長男爲吏拘翁率次兒代杖守疑詰得勅詰寘甕埋山中釋之次造訪已遁矣

甕起紫泥人逃青嶂猿鶴偶驚梓喬無恙

齊野人

桓公遊問野人何墟曰郭氏其人善善不行惡惡不去仲曰君亦郭氏也招之

管隰和鼎易豎司饗謀野有獲遊戶無蟲

符璽郎

霍光輔政殿中有怪召用符璽郎不與欲奪之曰臣頭可得璽不可得也

刃可蹈璽難逼美矢志靡他笑不學無術

箜篌婦

夫狂被髮渡流妻止之不及溺死往鼓箜篌而歌投河死麗玉傷之援爲引

坎侯揮涕烈婦捐軀心傷別鶴悲動潛魚

巢父

襄陵人年老以樹爲巢而寢其上

上風伴鶴。下流驅犢。縱有夔龍。不交麋鹿。

郡卒

蘇峻亂庾冰守吳郡奔亡卒載冰遽篠覆舟醉歌舞棹得脫欲報之曰得快飲足矣

遽篠脫守。麴蘖藏身。醉可濟變。醒亦達生。

嘔茵吏

嗜酒從郗吉出醉嘔車茵恕之吏習邊務見馳騎赤白囊刺取得邊息定備

孟樂聖賢。囊探赤白。不惜車茵。終收鞭策。

易井生

燕蘓州術術有苦井弘治間元旦有術士汲甜水向井祝而下之遂變爲甘泉

汲引力。利濟懷。豈禍轉爲福。亦苦盡甘來。

馭者

楊丹思朝見重車道滑牛不前馭者罵曰一羣癡宰相不能和陰陽而苦我楊謝之

朝無丙相道有楚狂覆車不鑒朽索焉防

戍卒

成都卒至鳳陽覓水簾先生莫識之忽至水簾洞石裂有人引入復出言洞府豁然

石笋可扣羊角曾探采薇戍士洞見一班

公叔僕

公叔尚主忌吳起僕曰易去也告起無留心請試以女必辭果中計見疑遂奔

長城可壞中葺何芬僕諳謀主叔暗謀君

信陵客

趙德信陵君封五城有驕色客曰矯令奪鄙於趙有功於魏則未為忠也謝之

五城德色一言砭骨須知引繩賢於飲鐵

劉兆客

兆受業數千，有客騎驢至門，質疑立辨，客一問難，兆不能對。

技識驢黔疑開狐案談笑鴻儒皮毛虎觀

嚴嵩僕

分宜令候嵩第，僕出叩頭曰：我主滿極，禍作得公寬楚足矣。及敗，奴在釋之。

逆料覆車預求全瓦殆營窟乎笑倚冰者

淮南相

孝景時七國反，淮南王欲應之，其相請為將，得兵固守，不聽王而為漢。

舍逆取順權變在口反正引經屏藩在手

維揚叟

維揚十友飲會，叟與席約答之，出蒸小兒，眾駭散，乃自食曰：此千歲參也。

當面錯肉眼看那知百尺杵也即是九還丹

躡者

平原君美人見躡者笑之躡者請得其頭不許客多去乃斬姬首造謝

狗躡者

請斬粲者首客怒平矣婦含笑否

輦者

晉河壅召伯宗逢輦者曰君其率羣臣素服哭之可回天果驗王問故宗攘其善

或泣或歌

回天實多彼河流矣如善壅何

狂生

李沆秉鈞叩馬歷詆公遜謝復曰居大位不能濟世又不引退久妨賢路能不愧乎

以伴食語

詆無口匏其言也肆其志亦囂

沆號無口匏

力士

卽同張良擊博浪沙中者

七筑無功

袖椎有力博浪龍驚函關鹿失

市偷

子發禦齊敗市偷獻技夜解其帳次復取其枕將曰今不去恐取吾首矣遂遁

入幕之賓抽簪之謔鼠竊上謀犬韜下畧

門卒

韓延壽呼騎不至怒卒曰資父事君旦謁父適會登車敬父見罰得毋虧化宥之

寬可濟嚴過則近狎竊恐沾名借此滑法

從史

盜爲吳相有從史盜侍兒盜覺贈之後吳反執盜史爲司馬傾裝醉守卒俱逃

傾囊醉守解網酬恩早知司馬合贈文君

逃卒

韓魏公禁卒私逃顧母執至法當死卒曰母病路近得一見死無恨公憐察實宥之

以孝逃以義釋可愧溫郎裾竊比毛家檄

廝養卒

趙王爲燕軍得欲分半地贖歸殺十使卒往說卽爲御而歸王

居○貨○不○奇○復○辟○自○易○長○者○杯○羹○豈○用○此○義○

孤逐女

少孤醜齊相婦死造王門曰王知國之枉乎相國是也王遂尊相國配之

執○柯○匪○媒○依○枉○得○偶○何○類○無○鹽○不○師○嫫○母○

南海館客

阮胄懷一館客當國時見登第遂留飲直言利害期其改轍不從辭去

爾○戒○狐○憑○彼○騎○虎○背○海○鷗○可○羣○籬○犬○空○吠○

趙師異

東野鄙人

齊桓設庭燎待士野人以九九術見日薄能猶禮况賢乎禮之而士至

九○九○術○尊○峩○峩○戾○止○故○智○可○師○請○自○隗○始○

布袋和尚

寓奉化寺常坦腹荷一布袋供具悉貯後坐化肉軀不朽

布○囊○不○空○皮○囊○不○壞○壺○裏○行○藏○粒○中○世○界○

擣菹參軍

王敦參軍同擣菹馬頭被殺日伯仁似此敦流涕籍顓家惟絮麈酒麤

何○期○牧○猪○戲○頓○感○踞○虎○心○擣○菹○泣○絮○麈○欽○

擣菹謂牧猪戲

艤舟亭長

烏江

乘○風○已○盡○捲○土○何○收○烏○江○吊○客○綠○笠○孤○舟○

別酒主簿

桓溫主簿善別酒有輒令嘗好者為青州從事惡者為平原督郵

辨○清○濁○定○官○方○羊○額○無○殊○口○蝟○磔○有○別○腸○

桓溫鬚如蝟磔

舟中老父

程頤渡舟恐及岸同舟父曰當厄何無怖曰心存誠敬父曰不若無心

心○若○虛○舟○風○波○自○越○老○人○之○言○濟○川○之○楫○

車中女子

唐吳士遇二人能著靴行壁上假騎去忽內庭盜驗馬收捕深坑女救出

禍○嫁○飛○簷○義○援○幽○獄○壺○內○探○丸○俠○中○推○轂○

海外人

在西北海外長二千里兩腳相去千里腹圍千六百里日飲天漿與天地同生

大○無○外○記○忘○年○渴○還○思○飲○海○問○孰○可○談○天○

溝上翁

乞食沈約供以饌後詣沈曰夜大雨君可避難霹靂從沈下翁手執之

豈○籠○紗○人○遭○香○車○殛○借○授○餐○恩○顯○回○天○力○

刺邕客

邕奏洩中常侍程璜使劾邕徙朔方楊球使客刺邕客莫爲用得免

網○開○此○日○盆○覆○他○年○空○留○一○劍○遺○恨○九○泉○

刺韓客

張元遣刺韓琦琦引頸曰某不忍取帶而去

軍○中○一○韓○燈○下○一○客○義○膽○赤○心○相○視○莫○逆○

麥丘叟

齊桓公逐鹿至麥丘見叟曰美哉壽與之飲奉觴三規自御歸而斷政焉

獻○觴○哿○矣○參○乘○欽○哉○佐○籌○之○意○打○麥○之○材○

珠崖吏

珠崖令死子攜珠入關法當死母女爭認關吏曰寧坐我毋傷慈孝遣之

惜○掌○上○珍○棄○腰○下○組○械○脫○當○關○珠○還○合○浦○

常熟老人

張旭尉常熟，老人屢求判，日觀公筆，奇欲珍耳，因出父藏盡得其法。

野老種書父藏子洩天授髮顛人傳草訣

彭城老父

王莽徵龔勝迫死，老父入哭，曰：薰以香，自燒膏以明，自銷遂莫知所之。

其泣憐才其文惡著父有達觀人無遠慮

君山老父

呂筠泊君山吹笛，忽一老拏舟來，袖出笛三聲，魚龍噴躍。

二姑山側三弄笛中少年引鳳老父猶龍

陳留老父

黨錮事起，張升同友坐泣，老父趨曰：龍不隱鱗，鳳不藏羽，泣何及乎？

士逢否運父論清操設皆鴻冥安顯鳳毛

泉鳩里主

太子出亡，匿主家，賣履以給，事覺捕急，太子自縊，主遂格鬪死。

業○屢○潛○龍○揮○戈○挽○日○三○復○蛇○謠○一○里○鳩○泣○

敦煌太守

陳湯徙敦煌守，奏湯誅郅支單于，威行外國，不宜近邊，詔徙安定。

君○能○擇○芻○守○效○徙○薪○一○篇○短○牘○萬○里○長○城○

薊門隱者

阮籍遊薊門山，有隱者，莫知姓名，惟

埋○照○空○山○潛○虛○古○洞○竹○實○爲○糧○人○中○之○鳳○

澤門謳者

宋築臺妨農，築者謳曰：澤門之哲，實興吾役，邑中之黔，實慰吾心。

百○堵○飛○翬○四○郊○噉○雁○役○有○長○歌○臣○無○短○諫○

東海隱者

漢王良友良用司直遽還隱者曰無奇謀而致大位何往來之不憚煩也

甘抱璞。媿盜虛為笑。王良詔不射仲連書。

西川異人

崔慎鎮蜀無子曰終南僧絕粒君遺服玩受則嗣果受卒慎生子名緇郎

衲補錦襦。緇流英物。湯餅會中。君功第一。

負苓者

文仲子講易白牛溪旁負苓者曰伏羲分張太和磔裂元氣而大朴散矣

一畫開天。一肩抱朴。闡幽無文。調元有藥。

負琴生

長負琴遊長安酒肆太白招飲生日君骨肉異無以虛名為累後不見

畫鶴可師。吸鯨可擬。何事負鵬。不招乘鯉。

仙琴高乘鯉

草衣兒

魯人釣泗渭間，冬夏披草衣，人問曰：「我待一片石來。」後一白石浮到，乘此而去。

志不在魚，乘之惟石。始信忘筌，亦堪飛鳥。

鐵牌子

閩人授金丹訣，棲房山，早疾有禱必應。終日如醉，常胸懸鐵牌，役雷沒歛，鶴至。

金可燒，鐵可鑄，舞羊來跨鶴，去得醉中趣。

岩下老人

漢武過潯陽，舉逸老人曰：「堯仁如天，孤雲自飛。」一水一石，臣之願也。

朝○天○野○鶴○拜○地○閒○雲○爰○知○箕○穎○總○是○臣○鄰○

圯上老人

圯橋授良書曰：「齊北穀城山下黃石，即我也。」因立祠祀良，辟穀白雲山。

納一雙鳧，授三寸舌。黃石萍蹤，白雲瓜瓞。

呂梁夫

孔子觀呂梁懸水三十仞一夫遊之而出子曰有道術乎對曰吾出人以忠信

觀○濠○知○樂○涉○呂○知○誠○滄○浪○孺○子○道○學○先○生○

襄陽叟

授唐荈華一斧造作能飛行戒勿累色後華竊王枚女造木鶴各跨去追殺之

飛○鳶○技○絕○跨○鶴○禍○多○莫○嗟○破○斧○曾○戒○伐○柯○

河上翁

處貧其子沒川得珠翁曰珠在驪領下遭其睡也使寤當爲壺粉還之

視○領○下○珠○等○塞○外○馬○卵○無○覆○巢○胸○有○全○瓦○

海上老

銀髮赭顏左手常握日晷三菓勺水成化間朱顯奏聞賜名王上能

辟○穀○實○握○拳○空○未○敢○笑○鉤○弋○差○可○敵○歸○宗○

老叅軍

張詠知蜀叅軍老病責歸別詩曰秋光都似宦情薄山色不如歸興濃詠敬之

七十秋光一篇歸去紫綬推開白雲畱住

大隱者

孔極朝回遇雨避舍一隻出迎具酒饌爲假雨具曰閒居風雨不冒置此安施

無蓋可假有酒可賒縱然冒雨亦是尋花

蜀山人

程子曰蜀山人不起念十年便能前知

死灰不殊止水自照面壁之功至誠之道

齊餓者

黔敖爲粥曰嗟來食有餓者揚目曰予惟不受嗟來食以至斯謝之不食死

嗟也可辭謝也可食死也傷勇生也傷直

種貝道人

漢道士西來，攜貝多子種嵩麓，成四樹，一年三花，白色異香。

芙蓉冠裳薏苡肝膈貝葉心傳梅花風骨

負局先生

磨鏡與人藥，即愈，止吳山絕崖施藥，日吾還蓬萊矣，崖有水出可療疾。

借水濟人磨磚成鏡飲橘波瀾負圖季孟

謁士

宋袁文煥憲湖南，士謁曰：衡巫李生能術，斷人頭，有劉氏冤，袁以計授士，傳術捕之。

知風乎冤雪矣恨術斷人頭羨計巧入髓

伍卒

度討吳掘石，有雞未肥，酒未熟，等銘莫解，卒曰：肥去肉為已，酒無水為酉，已酉擒濟。

非一黔技豈二酉胸鵞將鳴雪鷄亦占風

太白山人

黃巢亂，謁金州崔守，命掘牛山谷，得石桶中一劍，一黃腰獸，撲死，果滅。

白衣佐籌黃腰奪魄在天日星在地河嶽

廬山道者

唐楊修業廬山遇道者曰子學道能仙若仕終有禍修謝之後登朝罹殛

指青雲逃開白雲戶世少鄴侯人多林甫

勸學仙不聽

主父

有隱身術入秦刺昭王中之不傷遂歸遇李兌變閉沙丘封如故而父去矣

有術藏身無名投刺鶴脫沙丘龍登鮑肆

忠婢

周大夫妻置毒酒待夫媵知陽覆之主怒答不言後知殺妻將納媵不從厚嫁之

傾盃有智辭寵無痕不慙三事何媿九原

筆仙

晉高士不顯名每夜作筆曉闔戶以竹筒置壁外買者投錢其中筆自躍出藏休咎

入有金聲出無銅臭數可管藏花應夢授

劍客

一尉放一賊後遇賊爲宰謁留久其妻欲害遂遁使客刺之客知宰負心反往殺宰

聽長舌謀忘活命德藉倒戈人取負心賊

逆旅人

太公封齊宿旅人日時難得而易失寢安殆非就國者公蹶起出關追至得免

既諳豹畧何悞鵬程喚醒蝶夢豈類雞鳴

水口父

閩中遊三蓬停舟遇父日旦日太姥宴仙能從遊乎乃設虹橋引入金闕

邀式宴指迷津烟霞原有骨萍水豈無因

二卒

許州人有玉帶、萇從簡遣卒殺取之、入見夫婦如賓、躍出告之、使速獻而遁、

懷璧非智。舉案堪欽。貪夫毒手。俠客慈心。

中人

元稹欲解裴度兵柄、留守東都、中人還言軍中謂度在朝、兩河懷畏、居東失望、召人

誰讒晉國。誰阻東居。堪羞才子。貽笑刑餘。

宮中稱元才子

風道人

遊華山頂、忽天馬下、就石跨馬行空去、故今有上馬石、

肉飛仙。奔虹赤。馬人去已乘風。馬歸應化石。

帥僕妻

過芒碭、僕為盜殺妻、日妾被虜、前途告母家、當厚贖、賊至村、賺擒之、

倉猝奇謀。身全讐復。閭外將軍。應須推轂。

鶴衣道

日醉鳳凰山下，爲里婦所辱，喫紙成鶴跨去。有白鹿紙。

白鹿在手

黃鶴在口，不醉麻姑，應譏村婦。有麻姑酒。

虬顏叟

呂用之奪商人劉損之妻及橐，叟知之，隱形入呂室，假神語叱還之。

奪魄隱形

歸妻反壁，神降石言，良非無益。

採藥民

青城遇薯蕷，斲深地，陷人飯，以胡麻令拜，牛吞珠謁帝，授果成玉女，思家從鶴歸。

珠已吞牛

鳥還附鵠，豈是胡麻不如脫粟。

竊棗吏

武昌有仙棗亭，棗一實如瓜，守命吏取，吏私食之，仙去。

帝酒臣酣

官棗吏拾，威力可行，神仙可劫。

漢女

居東海養姑、姑女讒之、姊譖殺之、五月下雪、

孝○比○三○年○雨○冤○深○六○月○霜○雪○已○白○日○爭○光○

梁僧

南渡齋一葫蘆、有漢書班固真本、宣城守蕭琛得之、謂之匏史、

苾芻遺囊○班管餘燼○一葦存疑○一匏傳信○

董客

與董國度妾、稱雙俠、度南北隔絕、客俱送南歸、皆妾計也、有傳、

蛾眉計○伸虬顙智室○以柔制剛○以德報德○

宋人

好行仁義、忽黑牛生白犢、問孔子曰、祥而目盲、又生白犢、子盲、後楚攻宋、皆以疾免、

曲○直○天○心○災○祥○人○別○笑○彼○目○盲○何○殊○髀○折○

抱龍道士

灌口廟會一鵲衣道士曰此水有龍睡眾欲見之乃入水抱龍出皆驚走

結鵲道中伏龍人中幻術水中醒世夢中

鵲籠書生

許彥遇一生云足痛求寄鵲籠中負之不重至樹下吐美人醉飲而去

拋幻中影尋醉裏天鵲籠寄術鵲巢寄禪

有鳥窠僧

屠蘇道人

居草庵每除夕遣人浸藥井中元日取水置酒名屠蘇酒飲之不病

有庵可居有酒可濟長嘯同登長桑同氣

屠蘇庵孫登有

勃律術者

唐將四萬屠安西城得珠璣還術者日無義不祥天將風雪俱凍死

得非蛇銜驗如龜卜哀彼僵屍愚同剖腹

赤肚子

自言晚唐時人、正德末就密雲、冬月不衣、求雨八日不食乃霽、

露肘白雲披襟紫氣一腹洪濛十洲滋味

黃睂翁

方朔遇老母採桑海濱有翁曰此昔爲吾妻、吾却食吞氣已九千餘歲矣、

服者氣飲者芒更羨有齊睂相對說滄桑

泰山父

漢武見父鋤道頭上白光數尺問授神枕法轉老爲少入泰山三百餘年不見

春雨一犁白雲半笠枕上有方山中無曆

海山使

陶侃家奴常默坐侃偶出奴執鞭胡僧見而驚禮之因墮淚夜失去

埋塵有鏡運甓無珠不逢碧眼誰辨長鬚

弈道士

晉潘茂名逢二士弈曰識此否潘曰入猶蛇竇出似雁行授以服食仙去

一局悟

一方傳不須梅墮地

尤溪樵事何用棗貪天王質

傳神者

明季任江米只聞變夫婦同縊

頸泣雉影從龍誰將半白鵠

紙名寫出兩丹鴻

古丈夫

秦役夫四出奇謀逃山食松脂柏子歲久凌虛毛髮紺綠陶尹二子遇之得道

避秦忘曆逃役忘殮知公蘭臭應在桃源

老道士

劉青田得壁書四卷不解遇道士求教曰孔明子房得六子得八子得四足矣

洩乾坤秘闡符箓公暗傳黃石明種青田

醫酒道士

宋鄧城巫能敗釀每坊歲給錢廿千若拒則甕背臭道士焚香治之巫死

破薰猶機除麴藥祟老道錢神小巫酒鬼

吹角老兵

高州人宋紹聖初題詩譙樓不如歸我龍山去松竹青青何處尋遂遁形

猿鶴故人竹松好友漏盡鐘鳴問誰撒手

誅蟒道

南有選仙場中元推行優者上昇道人與符忽雷擊大蟒前後昇者骨積

率然甘心蠢爾添足白骨霜飛黃冠雷伏

弔敖父

孫叔敖爲令尹皆賀父獨弔教曰位高而氣益下官大而心益小祿厚而慎取

不賀而弔藥言可餐却勝死後優孟衣冠

布毛侍者

道林禪師侍者辭欲往學佛法師曰佛法此亦有拈布毛吹之遂悟

選佛無場尋真難覲

吹幡心傳六祖吹毛口授

摩銅狄翁

荊子訓與一老翁共摩銅狄相謂曰適見鑄此物已近五百歲矣

銅○駝○悲○後○銅○狄○思○前○傷○心○過○隙○彈○指○半○千○

黑叟

皇甫政妻求男摹畫壁成叟勸斷之引一女來光艷動人眾謀獻俱化鶴冲去

破壁出方知空即色化羽冲方知色是空

癡漢

天曆中巾蟬翼遊市或聽講連日或飲肆五宿詩近俚難處反警文而隱者

甘豹隱學蠅癡騎驢良足樂吐鳳復何譏

俠姬

盜起令修容母子匿神像耳中夜持一首來日盜已斬矣

弄車中術藏匣底謀聽耳邊息貽閭外羞

漂母

淮陰

心不望報目亦識人俠鄰投瀨義愧夏羹

林甫道士

甫與道士期日君已列仙籍合飛昇如不願仙廿年宰相李願相悵而去

雲路沙堤請君自決醒則宿緣昧則宿孽

嚴武道士

武病士強入日冤家在側公不信日瑟琶勒死女也令公自求不允而去

孽自情牽冤由愛引喚醒英雄命填紅粉

痾僂丈人

孔子見偃僂掇承蜩日子巧乎日吾身若槲株臂若槁木何為不得

羨承蜩方得種馳術藏智於愚求伸以屈

瞿硎先生

隱文春山山有硎因自號此桓溫造訪披鹿裘神色無忤命伏滔作贊

是漱石齒非試硎骨是抱犢民非司馬客

順昌山人

靖康末有避亂順昌山見茅舍主彬雅與語日嘉祐末居此不知熙寧後

石髓留賓山花記歲晉魏渾忘武陵風致

蘭陵老人

唐京兆黎幹祈雨老人不遜杖之去老人擁劒七口舞庭黎退鬚落寸餘

辱以霜威報之電舞借拂劒風戲隨車雨

持鏡道士

唐長安多盜無踪道士持鏡伺羣至照走誦咒逐之掘大鼠百餘盜絕

羽衣秉鑑鼠輩潛蹤吏能照膽獄鮮穿墉

覆鉢道士

似道齋僧足數道士遲至覆鉢在案莫能啟賈啟有收花結子在綿州句

場已收齋難補覆鉢示覆巢拳龍笑拳虎

鄭虎臣

東流道人

見人賭強入爭鬪格死二人逸去吏至尸作聲曰道人邀飲醉臥此

適興雉梟幻形生死東道主人風流羽士

北山道者

衣黃衣千歲有道術能隱形密雲令女病延治夜昏魘私焉後計縛殺之

披霞煉雪巫雨密雲虎頭鼠尾鶴影狐羣

樵者

蕪門先生見樵者哀之曰汝以是終乎曰聖人以道德為心不以富貴為志歌而去

翁子負薪不忘富貴羨爾行歌雲深山翠

買臣字翁子

御妻

晏子出其御妻窺其夫意氣自得妻求去御後自抑晏問以實對薦為大夫

卑以自牧同升諸公遇非其匹雌亦稱雄

穰城老

穰城老人二百四十歲不能食穀唯飲曾孫婦乳簡文帝勞之賜束帛

張蒼食乳未及曾公惜無兒齒倍享大年

漆室女

漆室女倚柱而號鄰婦問故曰魯有患君臣父子被辱妾安歸乎

為有葵心亦多蔡智漆室憂君漆園忘世

中山士

中山君饗臣羊羹不徧子期走楚伐之二士挈戈來曰臣父活壺殮

壺殮報德無異翳桑戒中山羊鑒中山狼

驪山姥

唐李筌得陰符經不解遊驪山逢姥曰吾受此六週甲矣授麥飯取水已失

示泡影秘陰文無履授黃石空飯憶黃雲

麥也

魯母師

九子母也臘日歸母家期夕反早至止問外魯大夫問告以故旌之

倚閭見慈止問示信買肉啖兒母儀相應

魯義姑

齊攻魯姑棄子抱姪而走齊將聞之日婦猶知行義况士大夫乎遂還

以義全孤嫠婦之泣以義止戈丈人之吉

義繼母

有冤獄、兄弟爭死、王召母泣曰、罪小者、妾之子小、前妻之子長、王義釋之、

生忘異葉。死惜同根。巢有完卵。獄無覆盆。

癡道士

王老慕道、有老道遍身瘡、求酒浸癡二日、變童顏、命飲俱仙去、空中聞打麥聲、

變童顏。授丹液。癡裏無聖賢。雲中有菽麥。

宿瘤女

齊王獵、觀者如堵、女採桑不顧、王曰、奇女也、遂聘為妃、

蠶首翹雲蛾。睂心瘁非女。要奇大王瘤贅。

善歌婦

有大帥愛歌婦不從、殺夫置別室、逾年入接之、就榻砍帥、絕裙而走、自殞、

柏舟可操。琵琶不抱。金石喉清。桂薑手老。

燕巧士

燕昭集巧士有能于棘端刻沐猴王須
半年絕酒色方可見王不能從

棘端猴操何術如可動公卿借此戒酒色

魯男子

風雨不納嫠婦者

朝雲怨絕慕雨思禁却嫌瓜履取信柳禽

秦宮人

漢時獵終南獲婦無衣生毛如飛問是
子嬰宮人逃食松柏實攜歸食穀毛落

得離蠶食漸解鴻飛惜經鷹眼難少雞皮

漢宮人

漢末亂發塚人猶活魏郭后收之問漢
宮事有次序后死哀卒

土花已碧朱顏未僵傷心衰草莫話長楊

擊竹子

成都肆擊竹詩詞合道乞錢輒飲忽病托人焚屍心不燬如斗觸之雷鳴形見

皮囊可灰。靈臺不昧。生似竹。虛死猶斗大。

補鍋匠

明初往來夔慶有學補卽教不索謝常寄宿蕭寺逢馮翁相持哭別不知所終

補天無術。破釜有緣。相逢鐵膽。慟哭金川。

一云卽王之臣

梅嶺姥

盧多遜南遷憩梅嶺問酒姥姓曰我中州仕族子爲多遜竄死我寓此候其來

循還天意。否泰塵緣。相公事後。女子機先。

桃林道

永春達理山青牛庵五代時有二道士隱於桃林後駕青牛入雲去

赤鯉不乘。青牛是寄。洞口春風。函關紫氣。

陌上三叟

三叟年各百餘人問何術一日內室麤醜一日夜飯減只一日臥不覆首

言淺而意同何必呼吸如彭而俯仰如松

借宿道者

叅四祖云汝老矣退見道旁一女洗衣問借宿許之坐脫女孕男後傳法

已空火宅仍假皮囊宿根未斷接木何妨

仙庵道人

結庵浦城丹將成入定語童十日內勿動後童聽魔言焚之托生真德秀

煉藥有爐降魔無杵絳雪胞胎紫芝睂宇

衡山隱者

賣藥岳寺不食見樂人女美厚聘去後女父訪見朱邸厚贈重來杳然

穀緣可辟情根未枯朱邸仙叟茅舍金夫

野王二老

光武獵野王遇二老曰此多虎臣每即禽虎亦即臣勿往也武悟欲用辭

野老披鱗君王履尾從禽毋荒扣馬有幾

田橫二客

田橫自刎令客奉首馳漢帝以王禮葬之橫二客自穿塚旁以從

謾弔三良且哀二客塚畔同心島中合魄

島中五百俱死

哭野婦

孔子遊少原野有婦哭甚哀問之婦曰向刈薪亡簪非傷亡簪不忌故也

採桑可悲採薪可慕多少簪纓得新忘故

戴火仙

漢道士修煉松陽道成真陽露頂夜照山中如日出劉無名頂上黃光數尺

頂上霞蒸山中日杲數尺黃光視君天表

賣薑翁

賣薑衡郡市，遇道士賣弄黃白之術，翁取薑納口吐金，道人笑去。

市上點金。江頭賣水。辣手相逢。日中見鬼。

賣油翁

陳堯咨射圃，翁曰：「手熟耳。」以我杓油知之，取錢覆匏口，杓油入錢孔而錢不濕。

視我貫索。悟彼穿楊。一匏手滑。七札胸藏。

賣藥翁

賣藥蒲州，不與者疾必不愈。王諭邀飲，愛其蒼頭，諭贈之，酬醫書一卷，俱遁去。

囊有秘笈。市無懸壺。能驅二豎。何愛一奴。

賣皂客

大梁中賣皂，筴百莖，豐大，獲錢輒飲。有人窺牀前種皂，頃即生實，採即伐樹。

借雞栖子。作鶴觴賓。澆胸中壘滌。世外塵。

雞栖子。皂筴名。

仙女

女獨處有道士求火閉門不納書字去女手擦不磨餽之因娠投水腹裂沙湧成墳

為傷題鳳貽恨懷麟冤沉腹裂水白沙青

琴女

荆軻刺秦王把其袖王乞聽琴聲而死女奏曲王從之軻不解琴及于難

負劍已呼聽絃亦謊藥囊琴囊問誰受賞

謳老

馮乘有老人少不娶善謳將死鄰人送至山歌別之餘聲數月不絕因名歌山

鼓盆杳擊壺工有聲續王豹無噫學梁鴻

有五噫歌

乳母

蕭道成殺袁粲乳母抱兒投門生秋令慶慶出首母痛罵袁兒所騎狗突入噬殺慶

負義門徒保孤乳母毒矣狼心快哉斃口

斃音能多毛犬

義娼

秦少遊過長沙遇之因謝客秦卒夢來別
遂衰服赴喪一慟而卒

是○死○生○約○非○萍○水○招○傷○心○情○種○含○笑○詩○豪○

厠婢

王敦如石崇厠脫故著新意色不忤婢曰
此客必能作賊

人○懷○二○心○汝○睜○隻○眼○逐○臭○者○多○知○婢○者○鮮○

梁婦

惠帝時梁國女受聘其夫久戍父更許女
不從抑死夫還發塚遂活斷歸

節○不○磨○肉○可○起○香○已○焚○返○魂○樹○應○生○連○理○

陝婦

嫠居事姑謹姑病死其女誣殺母坐誅鳥
鳴屍上不腐久旱呼延謀訪諡真烈卽雨

鳥○爲○號○川○爲○匱○人○爲○旌○天○爲○淚○死○而○無○悔○

成都丐

詐貧乞市居橋側勢家營館強買之見兩間皆貯散錢數千萬鄰里無知

羞標榜上

蕭宏黃榜標錢假乞墻間莫將抱璞錯比守錢

相城丐

丐得食攜至野岸一舟居老嫗陳物傾酒跪奉跳舞唱歌娛母母死不見

可謂養志丐有之矣有母尸養得無愧此

楮龜老

南方老人以龜楮牀足二千餘年老人死龜尚生能導引行氣也

龜猶存老已杳養氣盡如龜棲真再返老

盜牛者

盜牛王烈聞之遺布一端後有遺劍于路一人守之烈推求即盜牛者

遺布愧也守劍悔也梁上君子道旁長者

燕狗屠

荆軻在燕與狗屠高漸離飲市行歌相樂已而相泣旁若無人

歌泣同心燕雲欲裂七筑空投犬畱吠桀

楚漁者

獻魚孔子不受曰天暑市遠棄不如獻孔子拜受祭曰惜腐餘而務施仁人也

能解好施豈止惜腐尼父心傾仁人利溥

詞客

嘉定有名公大拜好士不能用客日外間盛唱燭影搖紅詞日見了還休曾如不見

狄李思裁葉龍空好曲子相公定知詞妙

園客

濟陰人種五色香草數十年有五色蛾集生華蠶忽一女來助養繭成如甕俱仙去

抱甕生香結甕成隊娘子馬頭園丁鶴背

蠶名馬頭娘

解詩嫗

樂天每作詩令嫗解之問解則錄不解則棄故近俚鄙

司馬珠璣牝雞臭味九老同心一嫗把臂

落魄仙

嘗賣鼠藥王生市之鼠食皆飛去後復遇取馬送王生生至家馬化龍入潭

馬何化鼠何飛慧珠誰復是度筏將安施

聖僧

宋時乞食海州咒疾即愈安撫丁守城僧左持斧右持丁擊日丁壞我斧數日丁叛

能驅二豎難拔一丁先知警世乞食超塵

胡僧

白龍化人泣拜葉靜能日胡僧術成來咒水海十涸七八葉持符投之復舊

符能驅咒安竭龍尚飽五花僧已輸一葉

龍食五花樹飽

廣陵師

好酒肉、寒暑一裘、勇而喜鬪、忽人隙視、

酒腸寬、肉眼昧、纔放白毫光、已脫黃皮袋、

雄山僧

結庵雄山上、構造將成、積瓦山下、一夕

老氏守雌、山僧弄瓦、偶役風雷、一空人我、

浴香僧

葛仙翁產時、僧大買香、曰夢善思菩薩、

佛緣未了、仙緣復開、一空幻夢、何處塵埃、

束草師

長安菩提寺僧、嘗束藁坐臥寺廊數年、

生寄屠蘇

或勸住房、遂以藁焚身、惟灰燼、無血骨、

死歸束藁、四大本空、乾坤一草、

紙衣師

大曆中僧不衣繒絮常衣紙代宗召入禁中盜金佛決殺

紫衣食肉

紙衣盜金矯可欺世利更薰心有紫衣禪師

厭勝僧

唐宋璟為相僧為禳禍令訪孤寒授曹州守求二俊犬後遇刺客犬齧之僧遁

市犬禳災

後遁先覺鑑禍元衡收功王鐸元衡為刺客殺

叱石僧

與國一師說法曰此頑石能叱下乎僧曰吾使上不著天下不著地叱石隨之

枯禪度法

頑石點頭叱羊非伍聽雞可儔法雞聽

涅槃僧

襄陽僧法將講涅槃經客僧持酒肉往食醉起講涅槃盡悉深微將禮之忽滅

心似摩尼

身皆糟粕滅度有因虛空無著

禪樹僧

嘉定古樹折中有僧禪定送至京問曰慧遠之徒遊蛾眉過此定樹七百年矣

虎溪徒鳥窠調入定七百年翻身一宿覺

掃地僧

王衍偕立常持大帚迅掃諸處寫水行仙怕秦川後莊宗同光三年滅蜀

蹟已露掃未光誰能知微顯與爾定行藏

浮笠僧

黃檗運逢異僧至天台江漲不能渡僧以笠浮江而去

既同杯渡不類皮囊相逢戴笠盡是慈航

判羊僧

德裕召問休咎曰災當萬里南去平生食當萬羊今食九千五百矣裕嘆服

祿有定斷非誣平泉空檜柏萬里泣葫盧

黃州僧

赴齋四僕肩輿去命閉室主憐其餓視皆虎也來言僧笑與舉輿去以法制之

一室閉一肩開但教持僧律何用法牛哀

牛哀化虎

目講僧

元進士晦跡為僧善堪輿卜葬皆驗日吾當以目講稱此

眼○括○地○心○合○天○天○長○在○心○內○地○即○在○眼○前○

卓錫僧

觸暑過西龍山求飲不得怒登頂卓錫冷風應杖起每霜夜穴中號怒

解○渴○無○漿○驅○炎○有○穴○霜○風○長○號○火○性○未○滅○

贈鑰僧

與牛頭寺僧善贈鑰曰訪我中岩扣石笋後寺失佛頭珠尋至扣鑰見僧得珠

禪○關○深○鎖○片○石○非○頑○覓○珠○有○路○傳○鉢○無○緣○

狂僧

忽以墨畫郤武縣前槃石之半作釣魚狀明日水至墨處斫路樹枝預知吳師入闔

既識旱澇自知禍福聊效砍瘃以當扶目

經僧

講經一叟來聽問之龍也僧使救旱日帝封江湖無水僧令吸硯水去雨悉黑水

菩提一滴膏澤千家若作霖雨還仗墨花

太白僧

住中峯頂有數百歲眉長數寸衣草葉持楞嚴經有鬪虎以杖解毒龍以器賒

杖解鬪虎鉢貯毒龍草衣太古貝葉中峯

新羅僧

相張建封不能入相見李藩曰此紗籠中人凡宰相冥司必潛以紗籠護之

小心冥司巨眼和尚怪飯後鐘盡皮外相

甕山僧

居岩角茅舍黃眉紅顏采草根食語音不通見人嘻笑而已不知何年至此

音不通笑而已食還有草根居豈無酒氣

雲門僧

靖難時人棲會稽雲門寺每泛舟賦詩歸則焚之咸知遜世終不得其名

一○葦○可○渡○一○字○何○求○一○心○不○亂○一○髮○不○畱○

占夢僧

隋文微時舟中夢無左手登岸詣艸庵一僧占之賀曰無左手獨拳也當為帝

紫光示異吉夢同符成於隻手誤於獨孤

回頭僧

雲間僧遇人即稱回頭或投瓦礫推盡中笑起復如此一日自云償債為盜殺

向往易退思難欲覓無邊岸先耕有寸田

識帝僧

梁武帝客下邳、一沙門謂曰、江表當亂、安之者其在君乎

象教將興、龍章同見、他日捨身當年識面

浣花僧

成都任夫人微時、見老僧墮汚渠、為濯其衣、頃刻百花滿潭、因名百花潭

納何汚滌何憫、豈龍女獻葩、抑天孫濯錦

西廂僧

江瓊山見寺壁、俱畫西廂、問僧曰、從此悟禪、問悟在何處、曰、臨去秋波那一轉

觸目禪機、滿廊春色、會得吞針

羅什何須擲筆、慧遠

西域僧

善咒、能生死人、太宗揀勇卒試之、驗、傳奕曰、此邪法、咒臣必不行、咒奕僧自倒

正能持邪、自斃戲作三昧觀勝、置四果地

聖姑事

齊州僧

史論獵至寺出二桃如椀食之詰其所來遂同涉險至桃所攜歸招僧已逝矣

偈曰已欲翻身歸蓮社先將空信寄桃源

華岩僧

聚徒洛都一僧因借鉢怒終化蟒復仇戒度之脫胎裴氏作女難產又令往救

脫死蟒開生路舉世多貪嗔問將何法度

阿專僧

在定州飲鬪捕之師踰一破牆笑以杖擊牆一堵忽昇數仞舉手而滅

難驅驢背未了蝸爭排牆撒手破壁點睛

阿禿師

神武遷鄴軍機未出師先洩執禁城內三門各出一禿戮之見一繩籠首西去

爲傷劫運非洩軍機分頭各出合眼同歸

孤舟師

萬曆初至蜀礪磎寺面壁數年日明日寺外二樹折即長老與予也

既能面壁。自解渡江。共成槁木。獨泛慈航。

酒肆妻

宋政和間酒肆朱姓妻生髭年四十餘髭長六七寸疎秀甚美詔度為女道士

詩曰。畫眉變作掀顙態。傳鉢休將抱甕看。

行炙者

榮與僚飲異行炙者割啖之趙王倫篡逼榮仕及敗被執救者乃受炙人也

羊羹可警。鼃羹可畏。親炙其人。越久而味。

題醫詩病

醫詩者

虞學士叩日渴鹿思智井驚猿顧別枝日鹿無思改為窺猿驚不暇顧改為過

豈類折肱。能針繡口。一字谷師。百篇國手。

拜樹者

有人好道拜枯樹求長生積二十八年木生葉華甘如蜜食之即仙

拜井濟渴拜樹開顏信可涉水愚亦移山

行觴者

陰鏗守晉陵與僚宴以酒炙授行觴者衆皆笑侯景亂被擒得其救乃免

翳桑一飯晉陵一觴幾多醉飽若個肝腸

易餅老

賀知章謁問黃白術贈一珠老人以珠易餅賀心惜之日慳吝未除何由入道

易珠非奇解金未慣打破慳囊脫超曲鑑

擲筆丐

大曆東都中無兩手右足挾筆寫經乞錢欲書先擲筆丈餘足接不失字甚楷

蛇足可添鳥跡難繼步武揮雲斯文掃地

行童

發願脩阿育寺塏募不足斷臂托生王府日啼見塏影忽笑訪知捐成卽度宗也

七級浮圖

三生願誓現帝釋身了合尖事

道者

賈似道少馳馬湖山道者見日功名不在韓魏下後醉傷面復遇曰天堂破不令終

相○在○心○命○在○我○分○明○綠○野○花○看○破○綿○州○果○

尤溪樵

樵入九仙山見二人弈二鶴啄楊梅一墮地樵食之遂辟穀知休咎

穀已辟果安求棋聲松上落樵斧月中畱

終南翁

陳季卿不第觀寰瀛圖思歸翁折竹葉爲舟陳歸復還後詢家有題詩非幻也

一葉神遊三秋歸興爲指迷津非開捷徑

華陰姬

能知未來事、楊彥伯赴選、夢失鞋、日事不諧矣、祿在江淮、至門下侍郎驗。

夢詳後事。程指前途。非逢毛女。必授麻姑。

毛女在華陰山

廬山人

寶曆中常販灰、賈人趙元卿跡之、救其主家難、貌老少不常、不見飲食、論多奇。

質非槁木。心豈死灰。幻形犢子。

老少變形解厄雞師。費姓

掩耳道士

利州一羽衣、日賣葫蘆種、以兩手掩耳急走、狀風水聲、後水溢乘匏去、

子○豈○匏○瓜○誰○堪○筏○渡○灌○耳○如○雷○肉○眼○如○故○

寄足道士

以龍邀張金箔至、坐壁寄足他岩、手招腿、張之宅、脊倏移至、頃失所在。

驅龍邀金。跨鶴返壁。寄足可招。高足難覓。

神巫

誠魏道武開有暴禍誅清河萬人可免開乃滅清河郡後為清河門子萬人私妄殺

婉○變○蜂○蠱○倩○盼○戈○矛○片○言○蠱○惑○萬○姓○膏○流○

井工

竹山陰家濬井千尺工人不覺至一國題云梯仙初得道者脩此出還三世矣

既○入○仙○梯○何○還○火○宅○牛○珠○

採藥同嗟羊珠癡同惜

選人

鄭愔為吏部侍郎掌選貪贓有選人以百錢繫鞵帶愔問之日當今之選非錢不行

笑○人○手○長○忘○已○足○短○誰○識○纏○腰○終○嗟○破○卵○

農人

呂望釣渭三日無魚望忿農日子細其綸芳其餌徐徐而投望如其言得鯉腹書

維○魚○夢○入○放○犢○心○期○釣○竿○佐○績○農○事○開○基○

荆湖漁

孟無庵帥荆湖出見漁翁偉貌詰年康與孟同欲官之曰一竿自足強之不可

半蓑巫雨一釣湘雲兩行鳬藻四季鱸蓴

潯陽漁

孫緬守潯陽見垂綸長嘯勸仕歌曰相忘為樂貪餌吞鉤非夷非惠聊以忘憂

無心擊楫寄跡披蓑滄歌濠樂夷清惠和

浴尼

浴於別室桓溫窺之尼裸身以刀破腹次斷兩足浴竟出問吉凶曰公叛亦如是

現身說法滌慮忘憂莫教蝟顧蝟蝟蜜刀頭

如蝟磔

茶姥

廣陵市每旦賣一器茶人爭買而茶常不竭吏繫之獄姥持茶器牖中飛出

酌之用匏亡之自牖碧澗

名茶翻雲丹丘拂袖嗜茶

郢老

衡陽王蒐郢老曰陽和馳騁非勸農義王賜食日不奪人時均王賜矣問名不答

減膳虛文賜食小惠戒爾禽荒樂我蜡醉

壤父

堯時人年八十餘而擊壤康衢。壤以木爲之形如履戲擊之中者吉一云五十人

何有帝力乃有衢歌豈鄰五老不效三多

趙卒

趙抃帥蜀使卒呼妓二鼓不至令止之卒忽出幕日度相公必息此念承命未往也

未免有情不得無禮君子閑邪小人知己

韓客

韓魏公門客踰牆宿妓公詠竹云莫遣狂枝出短牆客詩云莫爲狂枝贈斧斤賜之

蓮花幕冷桃葉根香才情風韻相度汪洋

魯儒

莊子謂魯少儒公曰舉國儒服何少禁無德而服者死獨一儒服立中門問答無窮

博洽無窮

縫掖何讓兩生者流一國之望

魯兩生不屈漢

湘老

呂雲卿寓君山遇老索酒歌曰湘中老人讀黃老手援紫蘂坐碧草坡云是謫仙輩

燈下黃庭堦

前碧草安得提壺與子偕老

近臣

朝恩持兵出日寇數犯都欲幸雒近臣折日屯兵足以捍寇何遽脇天子棄宗廟為

片言折九廟

安天顏知有喜臣膽幸無寒

通公

梁末人狂語必驗食酒肉揚州未陷前拾魚頭積為京觀以鹽肉進侯景為鹽屍兆

莫忽狂言驗逾著

卜見在未來枯魚腐肉

疥道士

張開光與母弟遊留姬守舍道士直入裸浴酒甕出光歸渴就甕飲拔宅昇去

此一甕春亦大難吃拔宅而昇如許酒力

布道士

董卓時有道士書呂字于布上負而行歌曰布乎布乎卓不悟

既不識丁豈教防布多口人憎燃臍天怒

寒貧子

建安初漢中破還長安居窮巷博學行乞自給人饋遺皆不受

壁○寧○蕭○蕭○屋○母○菽○菽○飽○卽○休○休○飢○非○碌○碌○

富人客

外黃富人有女夫亡其客素知張耳賢因逃至勸嫁之厚給焉得致千里之客

琴心不挑斧柯能擇惟雄識雄因客致客

酒嫗

呼子先去呼酒姥令急裝一仙持茅狗來子先與嫗各騎之乃龍也上華陰山

龍顙可攀驢背不酩孰識當壚賢於煉鼎

淮姥

行仁義有兩生日視東門聞有血即走偶門吏以雞血塗門嫗見登山城沒為湖

變示書生血塗門吏幸免其魚言飽乎義

醫工

蜀村夫鬻白蝦蟆工買歸以白合地夜透如燭負鐫入青城不知所終

白光透青城趨寧甘田父伴不藉鄭樵

神呼蟆名醫呼田父

青翁

隋世有二人居牢山食松久之肉與松同呼此今山中青翁觀其故居也

餐彼蒼髯易此黃髮為君圖形魚甲馬鬣皆松名

穿硯師

或學書數年辭歸其師托寄一篋啟皆磨穿硯數十枚知師苦功乃返畢藝

杼可斷鐵可穿磨磚成鏡至今傳此硯禪

籊桶者

二程隨父成都見治籊者挾易指未濟以詰日易學在蜀矣

業在手籊作圖得契心伊洛勝賣卜成都

杏漿叟

裴生渴求茗叟指土龕令取裴視一杏核如笠漿滿飲之不復飢渴令戒酒色

仙家杏酪人世瓊漿相逢土舍再見裴航

桃父丈

齊王遊遇一丈衰衣帶桃父問之日桃之為言亡也諸侯戒亡國庶人戒桃父

詩曰執父欲規家國訓戒桃可免栢松悲

齊王餓死松間

殷長者

武勝殷問得失期日中失約周公日不忍以主之惡告王言而不信此殷亡也

居邦不非臣為主諱欲問周興不期而會

唐御史

或首李靖反使御史按之途佯失原狀奏請首者更補前後互異得釋

射影有弓弭謗無匣巧矣得情賢哉執法

海客主

客宿福州遺金二錠主知客亡追還之客日得金不取必非常人聲比南金矣

遺不拾追更高南金重聲價東海播清操

雛道人

常遊洛遇異人預知休咎靖康二年春忽大哭于市別去是日即陷汴梁也

笑者知興哭者知廢先後同揆悲歡一致

犢子

鄴人歷數百歲時壯時老時美時醜冬賣桃李牽犢過陽都酒家女悅之號犢妃

桃李日中

蔦蘿塵外了跨鳳緣畱舐犢愛

烽子

爲党項掠去與番易馬牧蕃息番將與肉酪悲泣思母將憐縱歸母誦金剛經致也

我馬斯減小人有母酬跪乳恩報摩頂口

甄僕

甄琛人都耽棋僕執燭睡杖之日郎君讀書秉燭不敢辭以棋豈向意琛感研習

耽棋學廢秉燭言嘉從今無復敲落燈花

蒯宰

崔杼弑莊公申蒯謂其宰曰爾以帑免我將死宰曰免是反子之義也與俱死

義既同心禍難獨脫棄馬他邦終慙苟活

番將

獲罪世衡杖其背杖已即奔元昊昊親信之歲餘盡得其機密以歸

逃○有○赤○心○計○非○苦○肉○怨○以○德○酬○罪○將○功○贖○

蒼頭

南唐時有蒼頭持龍水圖求貨或得之將練為服忽金中霧起二龍騰躍穿壁去

賣○無○意○畫○有○情○破○壁○不○破○金○點○蒼○莫○點○晴○

葬骨婦

成化間江潯一婦抱骨函謂舟子吾欲葬夫江中遺百錢獨渡中流抱骨俱沉

欲○續○鸞○膠○並○埋○魚○腹○泉○下○同○心○水○中○比○目○

魚也

觀量士

求韓琦助葬公窘送酒器一盒叱還復哀一怒罵又哀一笑還之日觀公量耳

假○無○厭○心○觀○有○容○色○敢○效○蛙○噍○妄○施○蠡○測○

棋道人

蔡州道人工棋常饒人先有詩曰自出洞來無敵手得饒人處且饒人

先常讓人勝仍自若堪笑世情不饒一著

缶丈夫

衛有五丈夫負缶入井灌田鄧析令爲桔槔灌之曰任機巧必有機心不爲也

機可忘汲可養其石戶之農亦漢陰之丈

好衲生

有朝士見衲衣在坐曰公好此吾覺其臭生日毳褐之臭豈甚于銅

鶉衣何臭羔袖何香銅官世界鐵漢心腸

占星士

武帝微行宿主家與婢臥一生亦寄宿見客星掩帝座驚呼忽一男操刀入止

真人被厄術士通靈天教捧日夜半談星

高行

早寡梁王聘之再三懸刀割鼻曰王之求妾以色刑餘可釋矣旌之日高行

完節爲重

捐軀何難其人且剔其臭如蘭

剔割鼻也

神書

周靈時浮提獻神書二人肘懸金壺四寸有墨汁灑地成字佐寫道德經

五千言一灑就

筆墨雖有靈道德終難透

白石先生

中黃丈人徒彭祖時二千餘歲不修昇天但學長生煮石爲糧居白石山

不學棲霞止

求辟穀煮得雲根當芋已足

焦先煮石如芋

黃州隱士

東坡在黃州邀一隱士相見但視傳舍不言去坡曰非以身世爲傳舍耶

浮沈仕宦

信宿遽廬喚殘春夢指破迷途

嵩山叟

嵩北有穴叟悞墮行十日見二仙弈飲玉漿力倍令投井食石髓不饑半年出

飫瓊漿飽石髓足已入僊鄉心還想故里

益州父

賣藥益州皆愈得錢濟貧常不食忽浴錦川自言罪滿吞藥化鶴去衣壺無覓

懸肘功完濯筋罪了曷學蘇耽重歸攫爪

朽策人

山行見洞中二老携蒲以馬策拄地觀之俄鞭爛鞍朽矣携蒲名雙陸

爛柯爛鞭同此一局嘆息翩翩光陰陸陸

陸碌通

賣丹翁

賣大還丹一粒千貫人皆笑之後取丹置掌上日百餘年無賣自服即騰雲去

謂世有公冰肉眼盲謂世無絳雪覲面失

蕭乳母

初生棄人抱歸浸松葉養長生毛能飛遊戲仙宮後食凡果墮地歸嫁乳蕭氏

菓不食天爲徒蕭郎情未斷木公枉自呼

女道士

在蒲州紫雲觀辟穀久乘風吹至東京玉貞觀鐘樓立宗賜金帛還後竟飛去

白玉吹去黃金賜歸迄今鯨躍猶憶鳬飛

洛下夫

誤墮洛洞見宮殿九處搏羊髯第三珠食不飢出問張華曰此九仙館癡龍也

博得珠吞復還穀食縱探龍頷亦譏羊質

月支使

漢武時遣獻香及猛獸香辟妖獸却邪帝輕之使者言帝貪淫欲罪之忽失

貪慾未除妖邪安却使乎使乎苦言良藥

瀛州婦

唐景龍中瀛州進一婦身上隱起塔廟並諸佛神像畱內道場後不知去處

借血肉軀作人天樣不數登瀛莫輕皮相

雪溪道

蕪州女遇道士曰汝後大貴遺一五色龜女適張生陳高祖宣后拜縣君

益之十朋兆以千乘目有慧珠胸無塵鏡

利津姬

嘉靖時利津有老姬八十二生子

蚌腹猶存雞皮烏有男子之祥老婦之醜

河池婦

李繼朗旋軍河池縣掠少婦悅之處幕十五程逼之終莫屈送還其家

入幕佳人長途孤客幸藉貞金得歸完璧

啞婦

孔子去齊至鄒平問道有婦人佯啞以滅跡

桃李不言○萋菲時有○莫嘆如簧○盡由彼口○

醉叟

常游荆澧遍索酒頃刻數十家如初辟穀啖蜈蚣蜘蛛之類常蓄籃中袁宏道有傳

蟲作脯○蟻爲糧○有此下酒物○何處非醉鄉○

交趾道

居萬州年九十九蓄一龜如錢一猿如蛙一雞如倒挂子置枕中鳴則起

道士好奇○物取諸小○盍學雞窠○還童返老○

仙有雞窠小兒

海鹽丞

謁一鄉貴遲出丞已斂主不呼亦睡丞覺不敢呼亦復睡日沒丞去不交一言

夢中賓主○形外醉酬○睡相

徐光之派睡仙者流

士人妻

武后朝，寃入掖庭，善吹簫，撰曲寄情名大郎神，悲切子回鶻怨。

回鶻怨深，歸鴻悲切，六月有霜，六宮無雪。

弓工妻

晉平公使繁人爲弓，三年始成，射不穿一札，將殺其妻，上射法，穿七札赦之。

中非力發，有訣用，或違其材，巧反成其拙。

賣柴者

明末，南京城破，一鄉民賣柴入城，聞安撫使至，棄柴船躍入文壩內，龍遊河死。

忠魂魚葬，壯志龍遊，水中圖像，道上披裘。

賣麵者

明末，南京玄帝廟前賣麵，國變，夫婦對縊。

壁碎從容，纒投慷慨，粉飾詩書，糝糠鼎鼐。

異僕

權同休友貧病褫衣令僕辦酒食會客僕乃研桑札喫成牛肉汲水成酒日異人也

待倉卒客用無米炊僕能推食主不解衣

義丐

明沒投橋題三百年來養士朝如何文武盡皆逃網常留在卑田院乞丐羞存命一條

鶉衣存博帶熱血付寒潭跨鯨脊愧鷄班

秦龍士

牛僧孺鎮襄陽旱請士致雨日江漢無龍獨一黑龍難制強之多淹沒

雨不可求芻不可蓄有術驅靈無禪制毒

養獺民

唐鄖陽民七十養獺十餘捕魚閉獺令飢放之無網而獲利呼之羣獺皆至

祝雞固巧呼鼠亦殊爾工祭獺誰歎驅魚

魚肉道

天聖中家成都至羅浮拜王野人日子可教取生魚肉與食因能食生

活剝生吞野人風致冰壺先生黃不知此味

蜚蟲子

隆萬間處蜀青羊樓瘡足體如玉行市羣兒噪擊呼此能知未來後遁去

竹馬呼蟲青羊棲鳳誰與洗瘡舉家飲甕用瘡道士事

童子

李隱尋友人不見問童子不應又問曰白雲無心隨風渡溪耳

應門有致採藥忘言白雲銀鹿碧水青猿

刺史

江陵士遊有美姬約五年不歸聽嫁過期刺史納之明年士歸以詩寄即給裝還之

已去沉珠重來合璧慷慨詩腸風流俠骨

古無極

大定中、一道翁稱此來平江、蓬居釀飲、蚊蠅不入、不拂無塵、人逼傳其術、遁去、

酣已之興、絕人之嗔、清淨世界、羲皇上人。

天自在

居利州、洗髮語多天上事、宿廟見火起、灑盆變雨救之、云此方惡將災、果漂盡、

洞水中祕滅火中緣、天上天下覺後覺先。

清流傭

衆插秧、傭獨坐、一揮數畝、能反水上田、撒葉成魚、卽坐化、飾體寶輪山、禱雨應、

坐能反水、死不焚、巫迄今牧夢猶憶多魚。

南平婦

楊勅叛掠、不受汚、遇害、棄屍道傍、屍瘞跡存、雨乾晴濕、削去復見、覆土愈形、

月伴魂香、風吹血碧、天教流芳、地難泯跡。

女奴

元兵圍會州、郭斌合家自焚、奴火中抱兒出、泣曰、將軍盡忠、忍使絕嗣、授兒復赴火。

出火不絕、入火不滅、增燄中光滅、泉下咽。

淮婦

夫之商伴、悅其色、排夫於江、歸均其利、姑嫁以婦、生子數年、夫道故、密訴其罪、赴水。

從姑志、墮奸謀、沈冤、天使露遺恨、水長流。

魏乳母

秦殺魏王瑕、母與公子逃深澤、魏故臣告秦、俱射殺、葬以卿禮、賜金百鎰。

乳母殉身、蛟龍莫測、故臣忘恩、鼠狗不食。

魯保母

伯御殺懿公、并欲殺子稱、保以已子易衣代之、抱稱出避、後殺御、立稱為孝公。

李可代桃賤、何妨貴宗社、絲存裙釵布置。

梁姑

梁婦因失火，兄子與已子在火中，欲取兄子，悞得已子，遂自趨火，人止之不聽。

勢難兩存，身何自棄。烈火烈腸，蹈仁路義。

楚客

持眉間尺頭，與王煮七日不爛，令王視，斬王首入獲。客自刎，頸相咬，七日爛，分葬之。

其頭不爛，其冤不散，其人不凡，其說亦誕。

節女

仇欲殺其夫，劫其妻父，女詐許，旦臥東首，是還告夫，他臥自代之，夜仇斷首，乃妻也。

中讐計，願殉身，釋夫怨，報親恩，取義成仁。

酒婢

曹溪謝家婢，抱三幼主，皆考終，獨食力，不爨不寢，常取柴易酒，年二百餘，飲醪歡逝。

有柴換醪，無屨易茗，松呼不眠，鳥喚不醒。

朱桃椎
屬易茗

東郭先生

齊人方士待詔帝賜衛青金千觔謁日王夫人新寵家貧請以半賜從之

分金導挾術于誰知屣之倒爭似履之穿

北郭騷友

騷自刎頸以白晏子謗託其友奉筭以進其友亦自刎齊君駭追嬰返

留三尺相捐兩生身誠刎頸友亦諫屍臣

阿谷處女

孔子過見處女浣謂賜曰浣者可與言授觴乞飲授琴授絺達情知禮

瀨女投金谷女授琴英雄有意賢聖無心

丹丘先生

有翁詣神堯曰天命在君如丹丘出君當爲佐帝袖劍往曰顯晦殊無忌

顯晦自別妒害何侵君負鵠志帝畜蛇心

擒虎瞽

諸城瞽遇虎搏之誤為人抱覺有毛始駭愈力俱墜井人刺虎而瞽出

瞽生亦偶虎死不服瞽却無心虎亦無日

叩馬生

兀术敗欲棄汴走生日古未有權臣在內而大將立功于外者术悟遂畱

忘二帝仇饒三寸舌人固驢鳴言非馬渤

鳥窠道

採藥黃山賞始信峯奇宿其巔掩關別峯題曰活死人墓三年不言不知所之

探奇虎穴叅悟鵲巢棲松葛洪棲心企養木神交

狼范者

監海州倉饑私貨活人將刑神護得釋在獄有梨山母饋食後入山與狼同處

陰功積神力輸梨母曾饋食知女百歲可同居

狼化

圃卒

宋張稚圭遊圃見卒挂念珠問曰數息問養生術約夜半潛至圭不出卒坐化

栽花易養木難橐駝原有術鷓鴣鷺總無緣

醉民

劉豫僭立罵曰汝是何人要作官家大宋何負于汝劉怒殺之

一腔忠義幾盞醍醐快人口舌慟地頭顱

跳酒媪

崔倖家乳嬰見荔過欲之取盒置几發皆荔以箕送婢千里歸倖詰跳酒中遁

荔不揚塵箕堪執轡來跨鶴腰去騎驢背

酒名

吐珠道

紹興初寓蕭山每吐珠如彈光如珀出掌復吞指田穴曰此酒可飲忽自焚

穴酒已乾掌珠誰惜度世婆心脫胎仙骨

浣紗女

永嘉人居蜃川貧長不嫁事母孝每見夜浣紗而旦成布日豐甘旨母葬投水

孝女司饗

紡織不偶類謝端妻

螺女肖董永婦

聞韶童

孔子至齊郭門見嬰兒攜壺俱行其視精心正行端命驅之韶樂將作矣

端瞻視中

采齊童蒙古作聖基鳳將來儀

石門婦

正德初湖州饑與夫姑走石門有殊色人欲挑與財食不顧聚觀益衆投水死

匪石可轉

匪席可卷碧水香流青松節選

花山婦

高淳人至元間兵逼至崇鄉碑亭齧血題詩亭上云遙望花山何處是自縊

齧血題心

跡投繯見節操花減笑木增號

衡山道士

有僧遊衡飢士指石觸之得斗米又為設戲取枝頭如猿鳥閉目忽失

指得糧戲成鳥能濟人以危不與人以巧

西蜀隱者

宋江公望多暇亭記云泉州東山中

莫高眠寧危坐北山冬移文東山居奇貨

坐桐道人

萬曆間遊曹縣定清寺垢面如狂坐枯桐暝水作歌忽失三日桐萌芽茂

詩曰水灑鳳條也枯復茂歌畱獅座色還空

柏欄將軍

膠州人為秦二世將韓信追田橫假道于柏欄不忍背秦戰死立祀

一劍殉疆場兩楹存俎豆松心香柏節茂

庶女

齊人少寡無子養姑姑女利母財殺母誣嫂不白告天雷電擊景公臺海溢

天可呼吏難潔與溢千頃波寧飛六月雪

勇者

齊二勇者塗遇無肉笑曰子肉我肉何別求自抽刀割肉贈啖肉盡同死

肉相食食不更鄙乎死傷勇勇不更愚乎

麻衣先生

原居長清醉歌施藥預知吉凶聲若巨鐘走及奔馬示期蛻化

胸藏著手持杯傳人無衣鉢濟世有刀圭

紫團真人

脩紫團山冲舉龐眉子引其詩爲訣閉定天厨只一呼天罡不動運陰符

空谷留丹天厨傳祕百節公關一團紫氣

祝融道士

愛飲人投以毒吐地無恙每行一蛇虎隨將沒日吾畱片骨爲福田焚驗

福田畱醉鄉沒一朝火宅空半是酒星謫

賀州道人

與顏博文飲一瓢不竭授顏煉汞法得錢卽濟人放生朱丞相試驗悅之

錢不蓄汞可燒每啜丹母術端吸宰官膏

九江盜

李涉遇盜盜日久聞詩名願題一篇涉日相逢不用相違避世上于今半是君

解憐才難意料世多盜虛聲反爲盜所笑

衡山翁

昔人採桑衡山見一翁四五年少對坐執書其書非世教其人必賢哲也

入○無○人○境○讀○未○見○書○豈○聚○徒○講○學○者○比○歟○

平常生

見穀城數死復生大水至生在缺門城頭大呼我在此數十年復為華陰門卒

死○可○復○活○變○不○失○常○抱○關○擊○柝○救○世○慈○航○

幼伯子

周蕪氏客也冬單衣暑襦袴貌歲異數十年更壯人莫知世世來祐蘇氏子孫

少壯不變寒暑不分交情隔世古道照人

埋婢

于寶父有寵婢父亡母妒生掩墓十餘年遷墳婢活言父常與飲食能知吉凶

冥冥飲食了了吉凶愛猶戀戀妒亦空空

化人

西極國來穆王祛騰而上天及化人宮構金銀絡珠玉出雲雨上為清都紫薇

結構天畔變化人間何緣邂逅作伴清閒

若士

燕人盧敖遊北海見與語云遊乎六合之外猶未能窮觀竦身入雲敖嘆服之

神○遊○赤○水○外○身○聳○碧○雲○中○骨○未○脫○目○已○空○

邗子

隨犬入山穴行數百里見臺殿故婦洗魚授符一函使還發有魚子養一年皆爲龍

隨犬入帶魚翔龍池有種子邗溝非故鄉

童子先生

于狄山學道修浴契鈴經得仙

羨鳳雛帶鶴相水清映綠衣霞飛開絳帳

九源丈人

爲方丈宮主領天下水神及陰精水獸蛟鯨之類

身○焉○蟄○維○摩○一○斗○室○氣○焉○通○馮○夷○九○子○宮○

宛丘先生

服制命丸得道至殷湯時已千餘歲彭祖師之授方

方可傳命可制不值其驚翽應跨其鶴背

終南道士

山有石室靈芝常有一道士不食五穀自言太乙之精齋乃得見

月下未燃藜雲中先辟穀誠可通祕難燭

溪父

南郡龐人煉瓜子與桂附枳實對分食之能飛走升山入水百餘年仙去

三品藥桂附餘焉爾三島骨丘壑名焉爾

三品藥精氣神

跛仙

宋時遇呂仙於君山隱抱黃洞行靈龜吞吐法功成回衡岳號瀟湘子常有鶴栖鳴

豈鄰跛鼈亦效靈龜湘君來徃仙客

鶴也 飯依

服欄子

莒海濱有仙賭瓜令瞑目覺已在蓬萊山南取山上珍寶到莒賣之忽老忽壯

隨身皆珍玩轉眼即蓬萊何愁鶴髮之衰

不衣仙

劉振學道入嵩山石室見一人冬夏不衣顏狀如年十五時焦孝龍臥單衾

却老少忘寒暑其犢子忽少形容抑焦仙寢處

海上客

張騫無乘槎事即客也

使已往客難明欲辨支機石還起問君平

宿州婦

萬曆間一產七子各異色為妖瘞之鄰夢神囑救七將軍收養婦知兩家嗣之

產固異色亦奇誠哉七子母應承兩姓嗣

刑者 成人城門救子羔者

踊也甘危也匿柴也能得情爾也知報德

義婦

明項忠陷邊善一婦婦習途俱逃行半日此去關四日糧不足恐詰授糧自刎祀廟

詩曰潛逃遠勝吞氈婦併食如逢泣雪朋

用羊角哀事

衡嶽仙

齊晉陽有人明法術曰我本衡岳仙謫此汾水暴漲以符投水流絕

烟霞伴江漢宗符通汾水藻名挂祝融松

衡嶽有祝融峯

宛陵女

梁時其母為虎所攫女隨母拏虎毛盡落虎乃置母去

知生不知死死乃捐知死不知生生乃全

抱朴子

蜀人年八百歲

不抱甕不抱琴忘年而忘世古貌而古心

露肋女

女同嫂夜至高郵蚊盛有田舍嫂止宿女曰寧死不失節遂以蚊死建祠

蚊嚙血蟾吐光曉露侵衣潔清風透骨香

北海士

盧敖遊北海見一士卷龜殼而食蛤蜊

滄桑見日月新吾將窮海錯君盍識山珍

天津叟

裴晉公微時過天津橋二老日欲蔡州平此人爲將僕聞告公日戲我龍鍾耳

此日龍鍾他年麟閣人無後眼却疑先覺

陳留鑷工

無家室惟一女七歲日事刀鑷得錢醉飽則簪花吹笛肩女歸有道人

一曲梅花半腔竹葉女作行囊詩留彈鑷

山谷贈彈鑷詩

江湖散人

龍伯國有大人舉足不盈數十步而暨五山之所一釣連六鰲負歸

五峯跨六鰲提不須縮地法恐乏登天梯

愚公

二山高萬仞公居面山將移山神懼告帝命夸娥氏二子負山一措朔東一措雍南

代不絕言非虛夸娥趨古之愚也今之迂

梁丞

作酒美日得萬錢去來百餘歲為梁丞使民種芋菜三年大饑驗莫知所終

藏胸龜著濟世津梁民鮮菜色官帶酒香

項二

赤項子

秦穆公漁吏鄴中世見之言水旱皆應食松實天門冬齒落更生住吳山絕粒

粒也無齒也

蘇同

言也符得非赤松子

齒落更生之徒

教授生

通張說婢說怒生日豈無緩急用人乎贈之說被讒生用夜明簾獻九公主白

愛亦可割玉亦可竊十丈含沙一簾冰雪

負汲者

新會人日賣井水得數錢卽狂歌一日拾遺金默坐失者至還之與金不受

汲可養活還不受償心無金穴夢穩銀牀

還釧者

新會人日採九里明得數錢卽歌拾得珠釧珥還之披裘公不拾遺金

芝可採寶不迷披裘尚可傲還帶豈居奇

石戶農

舜友以天下讓之夫負妻戴攜子入海終身不還

豈耽石癖乃閉戶民夔龍有主魚鼈可鄰

鮮卑奴

并州刺史畢軌送故漢度遼將軍范明友鮮卑奴年三百五十歲飲食如常人

碧眼胡赤松使山花不記年火棗鮮知味

中射士

有獻不死藥于楚王士奪食之王怒欲殺士曰臣食而殺是死藥也乃赦

穿札之雄滑稽之伯中君膏肓小臣藥石

督運官

唐盧度因運官遭風失米考中下色自若度改中中亦然曰寵辱不驚改中上

不驚寵辱誰識妍媸羨豁達度逢特達知

齋師

韋臯生三日、齋僧師自至、見嬰曰、此孔明後身、在劍門與吾交善、聞降生遠來、果驗、

三朝果

因千載迴輪同歸無生乃見交情

判官

陽城刺道州、自置下考、遣判督賦、城自囚、判魏辭去、又遣他判按之、載妻子遁、

舍已

狗人兩賢一轍視此抽簪愧彼下石

梁郡人

煬帝幸江都、途諫皆斬、至梁郡人邀日、駕幸江都、天下非陛下有矣、斬之、

膽非

鼠見非蛙舌能吐諫草魂不傍瓊花

山口婦

居天台美色、夫為盜、數諫不聽、所得不衣食、躬紡績、夫終不改、服毒死、

寧辟

陳繡不餐盜粟埋舌之風旌目之族

不食狐丘盜死

門生

欽若免召準生日至河陽稱疾求外補上策入即發天書之詐為次再入中書下矣

吾徒也

我師焉待餽羊蒸後方知龜灼先

丁貶準餽蒸羊

旁校

宋洪皓至金執之迫仕劉豫不從欲殺之旁一校曰此真忠臣也為跪請得流冷山

仗義力得生還兩間留正氣半壁共奇男

方帽

咸淳中有冠方帽往來羅浮山見人大笑走一日醉歸取煤書壁上二詩渡海去

逢人開口暗地伸吟醉鄉落帽滄海披襟

雪蓑

居青州數年善作大字詩豪好談公嗜酒得財即施能譜一弦琴不知所終

魚吞墨鳥和歌彈琴聽鶴唳得酒換漁蓑

楊整道士

明熙祖臥楊家整窩、二道過日、葬此出帝、插枯枝日、十日必生、熙祖伺驗、

業未萌。機不失。非關地鍾靈。總由天相吉。

甘泉先生

不知何許人、隱天台華頂、頻詔不起、開元十六年、遣官王屋山置觀居之、

栖何巔。飲何泉。其王屋之屋。其天台之天。

稷丘公

泰山道士、漢武東巡、擁琴來迎、勸帝勿上、上必傷指、帝上折左指、爲丘公立祠、

勸帝來。建祠去。不誇稷下談。自得琴中趣。

餘杭姥

嫁西湖農家、採百花釀酒、王方平沽飲、甘後羣仙嘗飲、授丸藥、償價姥服仙去、

百○花○釀○酒○法○羣○仙○授○藥○方○賣○藥○酒○問○誰○嘗○

披衣

堯時人鬻缺問道曰正汝形一汝視天和至攝汝知一汝度神來舍言未卒而缺寐

物。我。一。體。也。死。生。一。致。也。烟。霞。之。領。袖。也。

赤斧

巴人爲碧雞王簿能煉丹服食三十年如童毛髮皆赤掌有赤斧

握。天。然。斧。鍊。自。在。爐。碧。雞。可。養。赤。龍。可。扶。

安公騎赤龍昇

成公

隱姓名常誦經成帝問之不屈節使郎二人就受政事十二篇

郎。可。授。帝。可。抗。願。效。河。上。公。羞。作。山。中。相。

嘯父

翼州人在曲周市中補履數十年不老見列仙傳

市。可。隱。老。何。曾。履。豈。傳。黃。石。嘯。應。授。孫。登。

婆娑寐

唐太宗時人見胡氏管見、

懷渺渺影娑娑

衣貌視世同春夢獨寤且高歌

騎飛鳴

池中得龍子十餘養大去後騎龍來曰馮伯昌後此間五百里當水淹可速避

思筏渡跨玉京

龍名玉京子衆生無水厄河伯有鄉情

感庭秋

常唱此因名

有所思亦堪聽悲一樹後庭懷八章秋興

豆兒佛

房山僧日誦佛萬聲以豆記每誦聲豆輒自躍時陳皇后浴豆躍心悸遂建寺

口也勤心也真豆躍花應散宮飯寺沐恩

邳蒼頭

邳惜僕善文墨凡四方以文詞投者逐人詳閱次第列之王右軍甚稱愛

文字知次第陳右軍如可贖應再寫黃庭

汲水人

年可五十宋郡自高曾來所見皆然汲水飲人暴日無汗臥雪汗流飲可石餘

汗可反寒暑年不辨高曾常倒甕豈羸瓶

李僕

李愚公僕愚死妾子數月族利其財僕以產冊報縣每歲息踰數倍已惟破被而已

心不昧冊可存九泉骨未冷百結被猶溫

鄭婢

康成婢皆讀書一日成怒曳婢泥中一婢曰胡為乎泥中答曰薄言往愬逢彼之怒

有才如此怒亦可平堦前書帶分外生春

康成有書帶草

張僕

張乖蜴至益州驛官妓能詩夜欲召之僕日名節在此彼有才明日楊花飛矣遂止

張之僕直而導趙之卒曲而慥兩得其妙

阿寄

主母分產腴者與已子以寄愚石田憊牛與妾子寄賣牛鬻產買漆倍利廿年致富

命在天不在田利在人不在分小富由勤

平陽烈婦

姜瓖亂被掠至定州清水河帝君閣下以柴頭書詩于壁自縊官殯勒石

不朽難婦詩不磨貞女碣雪生香雨泣血

薊州難婦

明末題詩野店風慘塵爲粉天寒革作衣何日歸桑梓傷心只暗啼

壁上句夢裏家心還想樂鏡誰與贖胡笳

達巷黨人

管窺豹。蠡測海。君子亦黨乎。加人一等矣。

互鄉童子

固於地而不失其天。鑒於聖而未協於賢。

晨門

爲吏隱。爲司鑰。能識人中龍。方顯雞羣鶴。

蘧使

是謂不欺人之所學。是謂不負己之所知。

荷蕢者

與爲一。往豐草長林。何如一擔世道人心。

儀封人

不卑小官。素有大志。物色人倫。揣摩天意。

荷蓀丈人

酬酢家雞樂。行藏野鶴悠。其灌缶者之流。

長沮桀溺

寧溺水。不溺人。與勞力曷勞心。豈乏知音。

狐丘丈人

遇叔敖曰三利必有三害子知乎爵高入妬之官大主惡之祿厚怨歸之

既能知三害何須營三窟藥石言老成識

終南勇士

二賈迷路扣宿士以鐵杖肩虎鹿歸留餉之早訂勿語吾名恐見知也

處士隨駕勇士埋名好鳥喚友白鹿笑人

終南有白鹿洞

東湖樵

居臨海賣柴不二價文皇入京聞建文自焚慟哭投湖死配祀方孝孺

死猶生配不錯水底大綱常天壤真道學

河西傭

靖難時披葛衣乞食金城傭河西魯家或吟或哭死囑火之云卽趙天來

口可糊骨可火日月付操春古今正結果

遺老

永樂中居洞庭濱、掉舟操壺、歌哭莫測、臨終謂鄰曰、我建文朝編脩、幸葬之、

生有遺憾死無遺編幾回歌哭獨弔雲烟

飲父

苗帝師、沽飲道旁、父敘飲語、位至將相、真者不得假者得、後果帝昇遐、攝位三日、

萬緣俱是假一飲便成真位有定遇有因

短人

漢武時東都獻長七寸指方朔曰、王母種桃、千歲著于此兒已三偷矣、

此亦曼倩之流亞歟不然何相知之深乎

啞女

宋時居鄞尼寺、狀嫗不老、以喜慘定吉凶、題句周鄂家皆驗、死後見京邸、卽維衛佛

未○來○詩○現○在○色○過○去○佛○請○叅○一○字○禪○曰○嘿○

太倉丐

堆髻攜瓢每醉奔呼牛來了人家壁連書火字三月去冬海賊牛大眼燒掠悟

婆心切。酒腸寬。預知牛眼大。何愁鶴背寒。

小卒婦

兀术殺卒奪之晝寢婦持刀向驚起問日爲夫報仇术異之名諸將任其擇配

乘○寢○復○仇○智○邪○勇○邪○擇○配○全○義○經○邪○權○邪○

鄴女

竇建德發鄴墓見婦如生廿餘歲絕麗微息養三日言是甄后宮人納之竇敗自死

節○不○滅○色○如○春○生○原○畱○殘○喘○死○却○有○餘○馨○

莒婦

莒子殺其夫娶居于紀乃紡度其城去齊師至獻之夜縋登城鼓譟莒子逃師入紀

社○已○屋○仇○已○復○夫○罪○若○當○誅○婦○心○亦○太○毒○

鄴都道士

元隱雪峯乙卯集友曰大道坦然皎如日月雖由人弘豈隨人往作偈逝

畱一偈笑千花風雲思結寶金玉欲抽芽

藥有風子雲實

畱都道士

溧陽人募葺寺橋爲功行鬻資巨萬爲倡募修朝天宮百工心服不受值

膽也壯心也堅踏鯨能濟世跨鶴可朝天

摸先生

東雙髻攜竹筥賣藥有疾者手摸人輒愈

藥一筐手一雙但用暗中索何須肘後囊

福菩薩

東海濱有一孩人收育之合眼不開長不茹葷誦經出家逝時七竅吐火自焚

福田原自種銀海不生波吐七竅入三摩

海目名銀

一瓢道人

特瓢遊鄂岳語狂多中藥有效栖廟爐內死棺舉已空矣乃棄榮入道者

生還多一瓢死不留一履子孫謀可已矣

太上隱者

唐詩人

日隱者也吟花弄月胸中木食草衣天下

齊狂子

與楚交子魯周子號春秋三子居泰山蓋茨不剪高歌不輟可比倪缺云

石巖巖歌陽陽不得中行而與之必也狂

商山婦

張季弘宿旅見婦荷柴歸其姑訴其悖逆婦每剖一事以中指畫石深寸許

指可畫石語必驚人安得四皓與之理論

漁父

楚人隱釣于江，屈原被髮行吟，漁父見而問答，歌滄浪之水，去自匿深山。

答吾問何如聽吾歌把吾釣何如樂吾窩

澤姬

劉道真少漁草澤，姬識其非常人，殺豚進之，不飽，復進一豚，後為吏部用，其兒

雙豚官一子單食享千金報不薄識無人

涿州婢

農家有石磔，賈胡欲購，破之中涵水，一孟婢竊飲，知未來事，表聞遣迎，婢忽失

飲石髓勝君山

朔竊飲却帝詔棄人間花婢開顏

繡旗將

李全襲東平，遇金將幹，不答兵，旁有女將繡旗空鬪，全幾不免，諸將救出

刺繡却奪幟誇分明獨擊鵲休猜白頸鴉

契丹女將

日華子

宋開寶中人無姓名但呼此撰諸家本草

未折肱先濟俗其熊有熊氏之功臣抑鵲之高足

金男子

服衰望國門笑哭日吾笑將相無人哭金國將亡金主杖遣之詔求直言

拚一笑博得求言詔拚一哭媿殺無功祿

津吏女

津吏醉不能渡簡子欲殺女求釋之代父持楫發河激之歌立為夫人

操婧女袁闢緹縈路鼓木蘭舟開孝娥渡

衍醉罪女婧救

海屋老

老人日海水變桑田吾輒下一籌今滿十屋矣麻姑日東海三見桑田矣

姑止三見君胡十屋若再添籌吾為卜築

黃花老人

天順中居蓋州，有道術，修煉數年，忽

煉液來跨羽去，迄今黃菊開，如存丹竈處。

紅崖道者

持行嚴，夜有美婦求宿，憐納，婦動以言不亂，婦產兒，旦抱去，視盆皆金色。

心如木色如灰，視金已如土，視暗却如雷。

逍遙子

明時來榆林，赤脚坐大雪，猶汗不食，不語數月，忽失。韋曼韋嗣立號逍遙公。

腹已空，口已封。

飄飄一孝伯，王恭踏雪，渺渺兩韋公。

浪蕩子

吳郡男也，陰囊大如斗，陝西賈識為至寶，買去，俟其死，破囊得二玉，腕異寶也。

歎曰：懷寶空囊，誰括目覆家破卵亦傷心。

巴陵老

年百八十。楚按毛公詣老問名。曰伯溫。日昔劉基筭我百八。遇劉同名者卽逝。

詩曰。後驗方知前定數。前知卽是後來人。

壺關老

漢武時。上書辨展太子寃。帝感悟。史失其姓。田千秋訟太子寃。

少海寃。沈壺關。辯皎獨許千秋。堪配一老。

賣餽媼

馬周至京。停媼肆。引至何常家。代草封事。太宗召拜御史。竟娶爲妻。

始引線。卒牽絲。馬也知報德。蛾兮亦憐才。

蘇城丐

張婢挈首飾如廁遺。還覓丐守還。謝不受。婢約每日到門分口食之。王覺配婢。

還好義。報不差。誰知分食粟。卽是合歡花。

金冠道人

唐太平王叟種瓜未蔓忽道人求瓜手指即熟暮得二瓜異香獻朝建宮

仙蹤未杳瓜瓞猶綿莫教納履且倩整冠

一炷真人

明時二百餘歲童顏能詩草好施攜眷數十南北莫測能服氣知未來

往來如風影揮灑即雲烟何非紫氣之占

七歲女

如意中七歲能詩武后令賦詩別兄所嗟人異鴈不作一行歸

七步捷雙淚枯一朝悲去鴈何日返孤雛

兩義婢

金崔立之變完顏忙哥夫婦自縊一婢從之陀滿胡土門夫婦死節婢亦如之

類姜

盛兒殉貞類翟婢青

殉節地下雙珠閨中連璧

沙丘主

孔子寓見主曰辯士也口窮蹄鼻空大服傳曉流舉足高踐地深鹿與而牛舍

非○少○正○之○僞○辯○豈○淳○于○之○滑○稽○異○者○幾○希○

無不達

出西南大荒長丈知河海斗斛識山石多○少○鳥○獸○語○言○草○木○鹹○苦○見○拜○令○神○智○

何○哉○爾○所○謂○達○萬○象○可○胸○羅○千○年○誰○識○拔○

旅店婦

幼嫁張弩善騎射事汾陽卒婦貌類弩冒○弩○弟○襲○職○建○功○七○十○二○復○嫁○誕○三○子○

枯○楊○花○木○蘭○實○壺○內○之○英○雄○旅○中○之○怪○物○

延州婦

里中少年悉狎數歲沒有胡僧禮墓曰此○鎖○骨○菩○薩○開○棺○骨○皆○鉤○結○取○凌○空○去○

結○歡○喜○緣○現○連○環○骨○緣○卽○是○空○骨○卽○是○色○

拭眼師

棄位出家，目有重瞳，為弟所疑，乃佯為目疾，常以帕拭，因名。

既存出世想，胡有拔山

項羽重瞳，疑明拭淚，暗藏機。

瞋頭師

精戒律，梁武召，值奔呼一殺著，使誤聽斬之，師言誤斷一白虱，是帝前身報也。

笑日報怨，既知白頸，翻身莫作叩頭蟲。

義娘

同安人被擄，頭觸碎投井，每月夜見女往來，托夢掘屍，見白骨裹練衣，及葬，衣化水。

夢出骨，其感人也貞，衣化水，其格天也神。

聖姑

崇安人有道子聘，甫歸未婚，夫卒，姑遣之，抗節奉姑，姑沒，築墳茹素，無疾卒。

未婚者，夫終養者，姑茹苦者，荼銜土者，烏。

長樂女

明倭亂被掠死不受辱倭憤刀刺體無完膚死血濺地不滅

膚不求苟全心不求苟活辱不侵血不沒

文廟女

避難文廟掠拒詬罵兵問誰家女不答女即仰喉受觸兵猶不忍而喉已斷矣

義不汚死何恐不答有深思不忍有餘痛

三才藻異

古董屠粹忠芝巖著

晉水黃良佐敬園校

列女而異傳者

李光弼母

有鬚數十根長五寸大小七十餘戰皆捷封韓國夫人

身經百戰名震三都巾幗女子鬚眉丈夫

王孫賈母

淖齒亂王走賈不知母曰王出走不知其處汝當何歸乃結死士刺殺齒

倚閭親心從亡臣職一七之功一激之力

李景讓母

讓為浙西觀察，杖殺押衙，軍忿變。母鄭出責讓，命褫衣欲撻，將佐泣拜釋。

巧於護短，急於彌變，不介而孚，不勞而勸。

何無忌母

忌夜草檄，母窺屏後，曰：「汝能如此，吾何憂？」問所謀者，曰：「劉裕。」母曰：「事必成。」

料逐鹿，決從龍，雌目辨雄，窺倚馬，慰丸熊。

范滂母

滂以黨人捕急，母曰：「汝得與李杜齊驅，何恨？」令名壽考，可兼得乎？聞者義之。

立名是重，履險自伸。子齊李杜，母駕嬰陵。

王陵母

項羽欲招陵，乃質其母。漢使至，曰：「漢王長者，毋以妾故懷二心。」遂伏劍。

識龍之真，堅雛之志，帶血歸天，含笑入地。

趙括母

趙王聽秦間以括代頗母上書言不可王不聽後敗以母先言不罪

惟母知子奈聽不聰四十五萬白骨丘封

尹焞母

焞師伊川應舉有誅元祐諸臣策焞不對出母曰吾知汝以善養不以祿養也

養志不以肉養善不以穀子學曾母學陸

王珪母

珪隱時與房杜善會過其家母李闢大驚曰二客公輔才汝貴不疑

闢友知窮通觀僚央否泰

潘炎女中龍室中蔡

虞汲母

宋末亂虞汲挈家之嶺外無書可攜母口授左傳歐蘇文以文章名世

腹笥可負口授無差勝女學士儷班大家

子發母

楚將子發攻秦，母聞與兵分食，歸母不見。日越獻酒，注江共飲。今雖勝不取也。

甘苦之訓。藥石之投。三軍傳聽。百倍飲流。

孔褒母

張儉亡，抵褒弟融匿之。事泄，收褒弟兄爭罪。母曰：「家事任長，妾當辜詔。」坐褒。

取義不孤。成仁不失。滂母齊名。珠厓同泣。

善果母

唐史善果轉魯郡守，母嘗坐閣中聽處決，有不可者，輒責故所至有聲。

簾有垂水。案無積雪。一室慈雲。千郊霽月。

种放母

放隱終南，被召。母曰：「勸汝勿聚徒講學，我棄汝入深山矣。」放辭。母焚筆硯，遞。

筆可瘞硯。可穿寧爲牛。舐犢莫教雀。銜鱸。

劉母

安世除諫官，母曰：汝當捐身報主，使得罪，流放，當從汝所之，勿以我懼。

期大器，却畏心子，能做折檻母，應效脫簪。

虞母

虞韞妻趙，作列女傳解註，賦數十萬言，韞沒，詔入宮。

家紹青箱，宮司彤管，鹿柱也，思長鴛衾夢短。

蘓母

程氏通經史，課子嚴讀，范滂傳嘆軾曰：軾若為滂，夫人許否？程曰：吾不能為滂母也。

通儒術，厲家箴，感矣三君等，竇武事勗哉，二子心。

呂母

子為吏，被宰殺，母散貲數百萬，買劍釀酒，招兵入海，稱將軍，破城斬宰，祭子還窠。

誅暴除殘，雄心雌奮，可以雪仇，不可為訓。

樂羊子妻

羊子常得遺金妻令捐金遊學中道歸斷織復卒業盜欲犯之遂自刎

勸學毋荒臨難毋苟凡今之人見金不有

僖負羈妻

晉文奔曹窺其骭脅負羈妻曰公子復晉而誅無禮曹其首也饋殮置璧

已○知○重○耳○之○飲○德○矣○其○奈○魏○犇○之○梗○令○何○

皇甫規妻

美而工文規卒董卓厚聘之罵曰毒害天下猶未耶卓怒鞭扑交下死

何○愛○乎○紈○綺○何○畏○乎○鞭○椎○英○雄○膽○文○字○姿○

朱廷壽妻

壽以謀楊行密被殺其妻焚府舍曰誓不以皎然之軀爲讐所辱赴火死

烈○若○火○焚○皎○同○玉○潔○趙○璧○妻○完○魯○縞○夫○咽○

趙元楷妻

崔氏遇賊不受辱抱樹罵賊而死後楷得殺崔者支解以祭墓

婦節不朽夫義不辜雪仇白刃含笑黃壚

柳公綽妻

韓氏子仲郢夜讀韓以黃連熊膽爲丸使含之助其清苦卒爲名臣

子母從藥石中做出功名從辛苦中得來

孫翊妻

徐氏有奇色賊嬖覽殺翊逼徐徐給之密與裨將謀潛伏戶外殺覽持首祭翊

負奇姿饒奇才手刃報泉臺貞心照蒿萊

周廸妻

商江都楊行密圍城市肆殺人賣肉妻日勢難兩全君有老母請賣妾肆以歸

脫釜底魂甘几上肉倚閭恩全結褵慘獨

王霸妻

與令狐子伯善霸子見子伯子貴有慚色霸覺自失妻曰伯之貴孰如君之高

梁鵜不美家駒不卑裙釵之見却勝鬚眉

伯宗妻

宗好以直凌人妻曰危可立待宜結賢士以托州犁未幾宗死畢羊送子歸荆

托根於後燭禍於先蒹葭義結江漢宗傳

黔婁妻

婁卒覆被不盡手足曾西令斜之妻曰斜而有餘不若正而不足諡夫曰康

正歛形康立名人從權我守經簪可勝纓

姜詩妻

龐氏出汲歸遲母渴詩怒遣之止鄰家紡績市酒饌以給姑怪鄰言故復呼回

辛苦不忘慇懃如故人無間言毋應回怒

湯輝妻

張氏兵亂夫攜父母先行張遇賊脅之抗顏受刃賊猶未忍張奪刃自刎

堅者金飲者鐵碎者珠完者璧於今爲烈

萊子妻

楚王欲召萊爲相妻歸見車跡曰啖以酒肉者隨以鞭扑投畚而去老萊從之

不願膏粱不棲荊棘貞女清操高人良匹

馮邈妻

馮邈守陰平鄧艾入不爲備妻李曰邊關急君何豫曰吾降耳李唾其面遂縊

甲齊解面空唾留此鐵石腸長堵陰平路

楊敞妻

霍光謀廢立使司農田延年報敞不能決妻曰逆則立禍與延年參語許諾

將軍謀婦人見國事決如著家事剖如劒

趙昂妻

馬超叛昂合議討超超取昂子月爲質昂妻曰雪君父大耻何惜一子

君耻可雪子軀何恤細人之愛人以姑息

劉遐妻

邵續女驍果有父風遐爲石季龍所圍邵將數騎拔圍出遐於萬人中

奪幟千軍拔圍數騎是鷹揚材非兔脫智

高敞妻

敞守趙州破與妻秦氏飲藥詐死賊欲官之秦回報國在今日皆瞋目殺之

全身以藥報國以身偷生朱紫媿殺裙荆

侯敏妻

敏阿來俊臣妻董諫止出令武隆卽行州將留之卽止隆破獲全俊誅獲免

效脫簪獲全瓦世多盤茶鵠誰救望火馬

士馳驚者號此

李衡妻

衡守丹陽，數犯瑯琊王，及卽位，懼，妻曰：「王好名，不私嫌，殺君宜自表求罪，詔免。」

其識卓也。窺君之微，其慮遠也。脫夫之危。

王凝妻

凝卒於官，妻李氏攜幼負襯歸，旅舍不容，牽其臂出，李卽引刀斷其臂。

負骨何哀。斷臂何烈。血點愁雲，慘昏皎月。

許允妻

阮氏奇醜，允被收，婦作粥待歸。及允誅，婦不變色，曰：「早知爾，誠二子得免。」

德可易其色，變不失其常。冰之鑑，智之囊。

李侃妻

希烈陷汴，侃令項城欲逃，妻令募士守城，往炊，享衆，侃中矢還，妻逐之，得保城。

無堅城，有智婦。誓死獨守，玉石全，鼠雀壽。

王章妻

章泣牛衣妻激之及為京兆上書妻止之不聽下獄女曰父素剛必先死果然

妻料生女料死翁不知止富遜貧舌勝齒

趙嵩妻

張氏事惡姑卒感慈呼婦師米賊亂塗面免犬死育孤

詒五斗賊撫三尺孤傲九子母化兩截姑

李氏

謝枋得兵敗妻李匿山元兵欲屠之日豈可以我故累人出就俘欲妻之遂縊

就俘全人捐軀全守三歎孤臣百年良偶

趙氏

王則反聞趙有殊色欲納之趙給以擇日聘娶輿從以迎從容登車至則縊死矣

用智則急全節則寬一朝經雉千古乘鸞

史氏

擊漂瀨上子胥奔吳乞飯與之令掩壺漿
日妾與母獨居三十年不忍越禮卽沉水

胸藏義俠

眼決英豪捐軀水咽授餐風高

先氏

高涼守馮寶妻決獄定計號聖母披甲張
蓋巡撫嶺表隋封譙國夫人諡誠敬

粉脂廷尉

裙帶干城女中有聖嶺外無臣

劉氏

廬江小吏焦仲卿妻爲姑所逐自誓弗嫁
其母屢逼遂投水仲卿亦縊

生既同憂

死還同樂莫化雙飛啼揚姑惡

有姑惡鳥

湛氏

陶侃母家貧會范逵大雪至剉薦飼馬截
髮易酒餽范聞之日非此母不生此子

顓母

秀絡辦無聲侃母炊無米子克家令譽起

盧女

永嘉人同母遇虎將嚙母女即身當虎得女母逸後見其跨虎而行祠封孝祐

孝○能○格○天○動○帝○而○難○化○虎○女○成○神○民○胥○祐○

董氏

賈宜言妻賈坐事貶董引繩束髮封以帛使賈署曰非君不解二十年還署帛如故

自○君○之○歸○矣○帛○猶○封○豈○無○膏○沐○誰○適○為○容○

師氏

崔篆母通九經百家之言漢末寵以殊禮賜號義成夫人

嫺○四○德○貫○九○經○既○鍾○菁○莪○秀○何○求○桃○李○新○

程氏

蔡襄弟高妻高為太康簿卒縣人哀其貧歛錢為賻程曰吾家世廉不可以汙吾夫

夫○也○茹○荼○婦○也○茹○檠○百○紙○清○風○一○簾○皓○月○

有百紙參軍

晏氏

歸魯夫死寇起晏倚山砦合田丁鄉里歸者解橐助之親搥鼓婢鳴金自守封恭人

衆志可成城散家有餘力一命而錫之特

向氏

長陽人宋賊皮仲掠之不受辱被殺人見其白乳自吮流踵向之子孫誘賊醉殺之

乳○白○不○須○化○碧○血○醉○擒○未○足○慰○貞○魂○沾○巾○

韓希孟

巴陵人爲元兵所掠赴水死三日得尸裙帶間有漢上有王猛江南無謝安句

瑚璉淑質江漢潔身詩垂裙帶節勁松筠

仁傑姨

盧氏居午橋傑過候表弟攜雉兔歸傑請仕姨日止一子不令事女主傑慚

子○甘○兔○脫○母○耻○鵠○行○處○高○於○出○陰○勝○於○陽○

歐母

文忠公母，少孤家貧，常以荻劃地教之。

詩曰：成子方知訓，迪功傳家誰識伶仃苦。

馮氏

陳堯咨母，咨爲荆南守，以善射名，曰此卒伍技也，因擊以杖，墮其金魚。

耻蝨貫，羨鱸衙子，擅小由基，母學大家班。

魯氏

唐末兵起奔竄，抱長而提幼，寇怪之，曰：長子前室生，寇感厚，遺去，榜其地曰風義里。

女五倫，婦伯道，非博生，前名曰全地下好。

喬氏

靈石縣禮部宋之儁妻，甲申之變，儁爲賊斃，喬罵賊觸堦死，女殮母畢，取簪刺喉死。

泣忠孝，聚一家女，蘿能勵節，誓栢應生花。

何氏

佐夫王叔木起家，日子可出仕，奈子弟妹貧寒，橐貲安用？夫曰：吾願也，盡散之。

相夫子績助宗子資笑季子嫂醜翁子

臣買妻

崔氏

鄭誠妻，誠戰死，崔二十截髮割耳抱子守節。

剪綠雲矢白日守孤雛傷比翼名香心惻

封氏

殷保誨妻，黃巢亂，封被劫，罵賊而死，保誨聞之一慟而絕。

玉容膏鐵金鏡飛灰非夫人之慟而誰為

潘氏

山陰徐元讓妻，元末兵變，讓代父死，將辱潘曰：焚夫願從，火烈赴死，旌為孝節。

夫代刃婦殉薪紅雲覆粉面白露灑香塵

倪氏

許彭生家貧自汲養母彭往犯不從刺之曰吾為君守反見殺言訖而絕詔旌烈女

不○曰○堅○乎○雪○霜○我○操○不○曰○白○乎○丹○黃○君○詔○

辛氏

羊耽妻魏文初定辛曰宜戚而喜何以能久鍾會西征請子秀為叅軍戒勿叛得免

料○君○憂○喜○中○戒○子○常○變○外○視○萬○里○如○一○帶○

紹殷女

旌德宋氏十二歲母病割股未愈禱神願代夢神授藥早蛇銜草繞桌取服愈

誠○可○格○痛○可○傷○蒼○穹○憐○雙○臂○白○帝○錫○單○方○

申屠氏

名希光嫁董昌郡豪方六一誣昌族罪陰脫光求婚懷劒刺帳中盡殺屬自縊

懷○帳○中○七○慰○泉○下○魂○非○此○辣○手○安○報○奇○冤○

伯姬

宋共公夫人寡居，夜失火，左右令避火，曰：婦人之義，保姆不俱，夜不下堂，遂陷於火。

漸臺水可流

楚昭夫人

發宮火，不避，皆舍生而取義。

叔姬

羊舌子妻，有攘羊者，遺之。羊舌請以餉子，姬曰：童子不可食不義，乃埋之。事敗，免。

教子方相夫潔學問著蛾眉姓名留羊舌

虞姬

霸王圍垓下，夜聞楚歌，驚起悲歌，虞和之，自刎。

三傑漢中一姬垓下得雄者王得雌者霸

貞姜

楚昭王夫人，王出遊，留於漸臺，水至，迎者忘持符，夫人曰：王約召必符，臺崩溺死。

不以符來寧與水決二字泉臺千秋合節

齊姜

重耳至齊桓妻以宗女無去志舅犯等謀於桑下聞者以告姜殺之醉重耳載以行

桑下謀

車中酳定策賴齊睂酬功忘割股

孟姜

范植妻娶三日赴役長城送寒衣至已死沿城痛哭城爲之崩刺血辨骨以歸

送衣去

負骨回血泣城頽三日婦千秋哀

敬姜

季文伯母文伯退朝敬姜方績教以朝修夕省曰吾懼穆伯之絕祀也

經國絲綸

治家麻臬母可師乎鬼不餒矣

時氏

明御史陳良謨妾燕人年十七娶三月京破陳殉難遣歸曰君死忠妾死節竟先縊

鸞乍舞

雉先經赤心留日月素節耀丹青

高娃

納叛殺高彥昭家女九歲見母兄拜天曰天有知不戮順無知何拜上聞諡愍

天何求人何覩

勝楊之童烏悲孔之破卵

童烏九歲預公

翠哥

房山李仲義妻姓劉元末饑兵執義欲烹妻乞代不從日婦人肥黑味美釋夫烹劉

蹈丙不惜呼癸誰憐知味者鮮知我者天

趙娥

父安為李壽所殺兄弟又病死袖劍白日刺壽日父讐報矣詣縣就戮令義之赦免

提三尺報九泉白日青天丈夫氣烈士肝

饒娥

父勤漁於江風作舟覆娥年十四哭水上不食死鄉人異之為立廟柳宗元書碑

孝女軀捐陽侯心悼遙望曹江相憐同調

謝少娥

嫁段居貞與娥父作賈為盜申蘭申春害遂詭男服託傭乘醉斬之歸為尼

復仇虎穴投老雞園吞聲白晝返照黃昏

呂良子

鎮江人父洙疾焚祝請代羣鵲噪有三

感神女

鵲也耀北辰大儒表玉質小婧續金縢

金兒

精卜張士誠掠入卜事驗欲納之不從忽死托夢庇其二子及發冢屍空矣

識天命報孽孤胸藏蔡足飛鳧鬼谷之徒

季兒

季宗妹任延壽妻任陰殺宗日殺夫不義事兄之仇亦不義遂自經

難忘琴瑟莫雪壘篴死安生順酌量無虧

崔敬女

唐冀州長史吉懋爲男頊求崔敬長女脅故不許小女請行救父難頊後爲相

是救父非擇婿經權自有宜榮辱非所計

孔融女

融被收女七歲曰巢毀則卵破及收女曰死得見父母至願也就戮不變色

卵破自嗟瓦全非願七歲貞魂獨開生面

傷槐女

衍女名婧衍醉傷槐罪應死婧造晏嬰門曰恐鄰國謂君愛木而賤人也遂免

脫醉父刑數圉人罪女子巧言相臣故智

散樂女

齊丘困逆旅女愍之惠以數緡得備紙墨投詩姚洞天後至將相奏爲妻以報

贈數緡迎百兩琴瑟有知音塵埃識宰相

管仲妾

桓公使仲迎甯戚戚曰浩浩乎白水仲不知妾曰此古詩戚其欲仕乎

知音乎詩壇之著蔡知心也賢路之津梁

趙淮妾

淮爲元將殺掠其妾給以葬趙乃婚聚薪焚淮骨置缶中抱赴水死

負甕入流完璧歸趙出泥不污與月爭皎

崔寧妾

楊子琳據成都寧屢敗妾偉幹出財數千募勇信宿隊成自麾兵逼琳琳懼遁

募士折衝義可作忠轉敗爲功雌可勝雄

花雲妾

孫氏生煒三歲城陷死孫瘞屍抱嬰逃葦哺蓮七日雷老引達帝忽失

蓮房七日哺楓陛一雷從存將種動帝容

聶政姊

政刺俠累，披面抉眼而死。娵往視認尸，哭曰：「吾奈何滅賢弟名？」

娵賴有弟，政賴有姊，認尸，彰避名，名起。

屈原姊

聞原放歸，令自寬。全鄉人冀其見從，因名曰姊歸縣。北有女嬃廟，擣衣石猶存。

抱石已沒，擣石猶存。姊歸，鳥也。春日，帝徹廟門。

張巡姊

高承義叛，節度王巨走臨淮。巡姊嫁陸補縫，行間號陸家姑，先巡被害。

聶姊激烈，屈姊幽閒。彼張家姊，季孟之間。

廣孝姊

戒廣孝慈悲，及靖難還吳，姊拒之，屢勸。出曰：「曾見做和尚，不了是好人。」復閉戶。

了得梵王願，方成帝者師。閉不納意，在斯。

蜀主妹

桓温平蜀得置別所妻操刃襲之妹方理髮徐日國破家亡願就刃憐之同歸

温其如玉刃其如飴孤鸞思慘脂虎心回

韓貞女

明初保寧兵至十七歲男粧被擄從征七年歸遇叔贖之適尹氏人莫知也

枕邊偷下淚馬上學稱雄金裹甲玉操春

竇桂娘

希烈破汴掠去寵之結陳仙奇妻竇為姊妹烈死蠟書通奇妻殺其家桂亦死

結并固蒂斬未除根蠟丸義達蟾魄香存

聶隱娘

聶鋒女十歲尼授劒術腦後藏匕送歸自嫁磨鏡少年後為劉僕射制空空兒

鏡隨形七藏頂弄術無空空隱身無等等

梅五娘

涇縣人黃巢亂被執欲汚之不從被殺里人立其廟曰香心

立心曰端立節曰完立廟曰香立名曰揚

侯四娘

史思明未平衛州婦侯四娘等三人刺血謁軍前願入義營討賊

甲冑望風裙釵翼日壯氣干霄丹心擊賊

竇勝娘

建寧人夫方寧耕田勝娘饁之見虎攫夫棄饁奮擊虎舍去負夫中途死旌之

擊虎奮負夫奔天平曷返其魂而全其恩

程烈女

盜殺其父兄掠女去隱忍數年以計脫告顏真卿捕磔女剝其肉以祭

能伸能屈鐵石爲之吞聲泉壤於焉生色

王貞婦

元兵入夫死婦執欲納之至嵯縣青楓嶺齧指血出題詩石上投崖而死

鐵作骨玉穿胸墨痕留翠壁血淚灑青楓

譚節婦

元兵破城殺其夫欲汚之痛罵并其子殺之甄上血漬有婦人抱子狀不滅

節不磨罵不絕天哀子母魂地豎丹青碣

巴寡婦

其先得丹穴而擅其利婦用財自衛人不敢犯始皇以貞婦而客之築懷清臺

發以財全崇以財敗利為禍機貞則福介

萬石姬

嚴延年為守母至見報囚大驚止都亭不入曰天道神明人不可獨殺果敗

殺人自殺先知後知母方石竇子媿裘箕

馮昭儀

奉世女元帝幸虎圈熊逸出左右驚走昭儀當熊而立上問曰猛獸得人而止

立○心○死○不○悔○立○前○氣○不○餒○立○言○識○不○紛○矣○

桓少君

鮑宣就其父學妻以少君悉屏去侍從服飾著布素與宣共挽鹿車歸里

脫○紈○綺○挽○鹿○車○誰○步○趨○椎○髻○操○曰○與○之○俱○

平陽公主

唐高祖長女嫁柴紹紹往京自招兵會秦王與紹對幕號娘子軍

帝○子○冑○娘○子○軍○帶○礪○胸○中○物○鼓○吹○身○後○文○

魯秋胡妻

胡娶五日而遊陳五年歸見道旁採桑者投金不受至家乃妻也妻投河

入○桑○羞○君○影○投○金○負○妾○貞○訴○河○伯○誓○冰○清○

李文姬

父固以梁冀之禍姬托弟於門生王成亡命徐州梁冀敗赦姊弟相慟

巢覆矣破卵將安施瓦全矣跋扈幾何時

杜泰姬

生七男姬教之日中人情性可上下也佩韋佩絃汝曹念哉後皆舉孝廉

東壁韋絃北堂祭酒等九子師笑七子母

魯母師九子

李絡秀

周浚出獵雨過李會父兄他出與婢具數十人饌不聞聲浚求爲妾生顗及嵩

車騎過饗飧和計門戶執斧柯熊羆夢多

黃崇嘏

善碁琴書畫周庠薦攝叅軍明敏欲妻以女嘏賦謝之知黃使君女也歸臨邛

真婁逞假木蘭空擬吹簫鳳徒傷舞鏡鸞

婁逞

南齊東陽女、易男服、以碁博文義、遊公卿門、仕至揚州從事、事泄、令還、

君子曰此人妖也、簪變纓、璋變瓦、真變假、

班昭

彪女、號大家、兄固漢書未成卒、詔昭成之、授馬融讀、宮中皆師事、作女誡七篇、

女訓傳、兄志續、開絳帳、管絃垂彤史、帛竹、

孟光

字德耀、梁鴻妻、布衣操作、入吳、寓臯伯通廡下、舉案齊眉、

椎而髻、而成千秋志、齊而眉而爲百世師、

王嬙

元帝按圖召幸、昭君恃貌不賂、畫工醜之、匈奴求婚、請行、沒後墓草獨青、

毛穎彌天笳聲慟地、春艸年年丹青不費、

緹縈

淳于意當刑，少女緹縈上書，願為官婢贖父罪。漢文帝憐釋之，遂除肉刑。

書贖父詔除刑美哉，以一閨秀活百萬人。

木蘭

父病不能從軍，為有司所苦。木蘭代父戍邊，十二年不知其女也。賦戍邊詩傳世。

弓矢斯張，筆墨留香。世多巾幗，爾獨冠裳。

紅線

薛嵩記室夜入田承嗣臥內，取金盒歸。嵩馳還，遂寢伐謀。兩月後，廣賓朋餞別去。

取物囊探離塵蟬，脫裙布折衝蓬壺俠骨。

黃帛

張真妻真渡江溺舟，求夫尸不得，投江。十四日抱夫尸出，顏色如生。

尸難求，身甘棄。沉水十三天，香風千百世。

荀采

陰瑜妻年十九寡父爽詐病召采令嫁郭爽因入浴自縊粉書於壁曰尸還陰

窺父意報夫知陰靈泉下合貞魂壁上題

李秀

寧州刺史毅女值五苓夷圍城毅死秀領事厲將士固守卒破賊

歌曰軍容肅兮鬼晝哭賊膽破兮父瞑目

夜梅

棘婦也正統初木邦犯順寧郡男女皆掠去夜梅持一劍殺百十餘騎而歸

一劍突百騎灰胸中憤氣洩月下暗香來

上清

竇參婢參爲陸贄陰害婢入宮白參罪辨納官銀器皆恩賜故刻藩鎮名驗實上悟

不期婢子幹蠱若此不信宣公陰驚乃爾

莫筌

御史周渭妻避亂不暇與筌訣守二幼子日必不負周垂二十年渭歸子婚娶矣

勿誼貞婦不負奇男

奇男渭號

廿年荼苦一旦薺甘

荀灌

父崧困襄城欲求援石覽難出灌十三率勇數十突出詣覽乞師又結援周訪解圍

突

吹叶

置生死於度外援通料成敗於意中

李寄

閩庸嶺有大蛇每歲祠幼女寄請行持劍及犬置餐蛇出食放犬咋砍之王聘為后

助臂有龙制毒有餌一身是膽五尺皆智

樊寄

楚莊王妾王好獵諫不聽乃不食肉親虞丘子責其未進賢遂進孫叔敖

從禽是誠樹德務滋五霸之盛一代之雌

張鳳奴

元興間北兵攻城見呼城下曰我娼鳳奴被俘彼軍不日去當堅守言竟投濠

以城下呼堅軍中志拚一命殉立千秋事

王翹兒

江南妓善歌倭徐海掠爲夫人陰幸其敗以歸國勸降後賜酋長投江死

擅舞柘技收反間功待酬金鳳飲恨玉虹

高妓

京妓與昌平侯楊俊狎猶處子天順中俊誣死親故絕往妓來慟吮頸血縫之經旁

往一慟殉一經狹邪還帶俠襯柩恨無親

李娥

父爲吳鍊鐵折多金坐斬娥十五傷之投爐履浮始知金湧成渠利收億萬祠之

爲父捐軀爲國受利忠孝死歸地天生寄

王孝婦

江都姑病屢欲代身思食猪肝貧自剗割肺一葉殞恍有救者姑食愈夫不知

夫未悉姑已安一片婆心肉半教天眼看

費宮人

甲申變投井賊出之給以公主李自成予党羅成禮伺其醉抽刀刺之自刎

空給公主未殺賊魁九原飲恨一代增輝

黃孟聰

金陵女幼失母隨父販線香詭爲男父沒習業同李英伴經年不識姊知配英

香悲萱逝臭結蘭心無慚守玉不負斷金

唐貴梅

貴池人適朱姑淫悍私富商逼之不從以不孝訟官婦恐汚姑縊梅下如生

蜺不化

縊女化蜺雀無因有梅比玉潔無竹剖冰清

蔡三玉

龍溪陳端才妻、元盜起、夫與父皆逃、玉被掠投水、屍流至父舟側、識是女、殮之

魄○能○追○父○鵲○魂○已○近○乘○龍○也○其○清○明○之○在○躬○

蒲三姑

漢蒲茂三女、因孤誓不嫁、各穿墳、請父身後何適、父曰任車所至、卒如命葬焉

既各穿墉○何妨隨轍○信誓楓標○孝思蒲結○

江粧容

旌德管春浚妻、十四割肝救母、愈、嫁後割股療姑、兄病斷中指甦之

兩○地○春○回○二○豎○膽○落○舉○念○皆○天○渾○身○是○藥○

蘓妙果

新會人、舅死姑嫁、又寡復歸蘇、一如前禮之、十餘年病事最謹、及葬猶哀

姑奪志○婦堅心○生也○無易轍○死矣○尚沾襟○

盛兒

章丘姜守身死妻欲縊防謹閱四月家人往祭墓自縊留婢盛兒亦縊旁侍之

目無貞婦傳身為義女經羨翠翠

殉伴青青節婢

呂氏

旌德江公妻夫病剪髮封臂不效姑病復封臂食甦遺孤六歲痘殤抱泣七日死

身可殉嗣難續人悲兩臂痕天崩七日哭

韋逞母

宋氏傳父業得周官義旨立講堂徒百餘人隔帷受業

為女則為母儀香風開鹿院時雨出鴛幃

屠印姑

適陸氏夫逼其私寵僕不從怒絕其食辱至死父問終不言家緯真作傳

不辱其身不語其父堅而能忍節中之苦

陳烈婦

東莞李順妻守節宋少帝駐蹕岡州遣子佳勤王臨別曰勿我爲念遂刎

却牽裾勵推轂飲此三尺鉞存彼一塊肉

陳淑人

幼寡偶至門叔箴之入房斷指釘門終身著家訓壽九十子卽家竹墟官侍郎

斷指烈也扃戶貞也著訓德也顯嗣報也

練氏

漢太傅意仔鈞妻二校犯斬遺金命逃後爲將屠浦城與旗報德練令保全城子顯

保家不如保城培藥不如培根報豈無因

項氏

拾遺戴德孳嫂靖難時度禍及令盡逃匿彞二子焚族譜及收械氏炙爛終隱

可逃可匿可炙可灰可師可法可安可危

譜焚

貞姑

胡熙靖難女就刑從懷墮卒收養長知髮長卽剪後赦歸鄱陽老終尚處子也

有立志不蓄髮有永思不作伐有始有卒

趙娃

太寧人廿歲夫蕭病劇日妾不獨生命製巨棺夫沒卽自縊同棺殮焉

詩曰半鏡自揣非木石一棺不朽老乾坤

宋璜妻

明流賊陷威縣璜替父死妻李氏日爾能替父妾獨不能代夫耶賊釋之自縊

夫泣烏婦悲雉也一杯日月魂千年節孝里

魏溥妻

房氏十六溥卒恨母老子幼氏割耳投棺中姑憐之日早寡慮奪志以自誓耳

養者老抱者少殉者耳慮者早和天瘦了

梁氏

嫁王姓、元兵執夫給釋之、度行遠罵賊死、後夫謀娶、夢妻指托生處聘、詢與死期合。

甘身斃。脫夫遙依然通蝶夢。仍此續鸞膠。

盧氏

房玄齡微時病篤、謂妻曰、汝少善事後人、盧泣入帷、剔一目以示、病愈敬之終身。

剔一目。禮終身。閱盡冰霜。老長看竹帛新。

韓太初妻

初官和州卒、妻劉種蔬養姑、姑病驅蚊吮咀、割股進蘇、狀聞賜衣鈔送歸。

栽蔬給。割股蘇。天悲驅白鳥。也。帝憫錫青蚨。

惠士玄妻

玄病、妻王氏嘗糞甘愈憂、終囑保妾子、誓以死、居墓側、歲餘子死自經。

嘗惡者。誓死者。廬墓者。子殤真不可解者。

王孝女

唐徐州人父兄屯涇州皆戰死女十七抵涇丐護二喪還葬剪髮廬墓旌之

泣孤女護歸喪綠雲

髮也化碧血白草變黃腸

也

鍾節婦

上虞歸孫景雲成進士令玉山卒泣絕後甦終以身殉

烈其志捐其軀不碎玉山玉終沈珠海珠

祝瓊妻

程氏同子被掠不從放歸死途三日人見兒走得屍暑日面如生兒無乳不死

鏡未圓璧已析襁褓護陰靈草木添生色

何烈女

福清人許林未娶客死女請歸盡節告廟親鄰生祭賦詩女領祭答詩縊

酒盡一杯意詩留千古情來得明去得清

邢氏

天台元勲妻勲貧出外姑病思肉無措剖股進姑疑呼已昏矣縣聞歲賜粟帛

詩曰無可奈何何挖肉苟能如是是亦足

海氏

彭城陳有量妻寓毘陵糧棍林顯瑞誘至舟計遣其夫逼淫氏預縫衣自縊衆立祠

縫衣裹白壁拚命赴黃梁海作誓月生香

趙孝婦

元應城人早寡傭織事姑念姑老鬻次子買棺置家鄰火痛哭風忽返得免

返風固宜鬻子非智曷傭織而漸爲之計

胡烈媛

元渤海劉平妻平戍棗陽載家行虎銜平去胡拔刀追虎斬之扶歸傷卒旌之

虎已刃人已斃救厥天旌厥帝凜凜生氣

管氏

寧都徐婦紹興中寇破城欲汚不從封其乳益罵斬其首躍丈餘嚙其門闥賊駭去

罵未止恨入髓生不作浮萍死當為厲鬼

高女

聘翁生卒女聞欲歸殉時伊叔曰俟汝父母來四年至請死生墓立孤告廟自經

四載仍經寸心不變立孤可嘉守孤更善

陶孝婦

力養姑終負土成墳一號而絕守崔清造其廬令李繇作碣陸羽為文

力作養負作墳楓作血羽作文天作愁雲

王氏女

建德人至大間父出耘遇豹噬大呼女識父聲趨救以鋤擊豹腦殺之父得生

拚死命救生親攜鋤堪擊豹拔劍笑驅蠅

管夫人

仁宗命書千字文藏閣日令後世知我朝有善書婦人紀少瑜夢投青鏤管

書千字文存一代筆彤管增輝青鏤削色

嚴庸妻

庸溺死妻袁氏十八尋屍不見投水雨月餘水退沙際二屍同處表之

水底尋沙際伏淚沾比目魚節結同心竹

竹即合歡

王紋女

慈谿王紋女將嫁值火父邁兄瞽攜出持篋呼救母柩篋奪去伏棺焚死

救其親火其身頃刻恨無雨千古不揚塵

齊關妻

關戰死妻劉氏有強婚者給日三月三有願償即從往彰德寺塔頂投地死

逼以勢給以計塔影吊冰魂雲容留福地

雍氏

長泰黃伯英妻夫亡織紵養舅姑攜子負豆置磨鄉人僭之慟哭磨為不轉驚還之

甘旨。紵織。辛苦。豆其石。不可轉。天不可欺。

秦女

元宜陽人父疾危姊默禱鑿已腦和藥服愈後復發姊割股置粥啜甦旌之

姊鑿漿妹割肉天意藥中叅孝思刀上祝

武管嬰

十七未嫁至正間父被賊執女奔請代脫父去又詒有金瘞井眾掘即投井死

詒固巧

脫非愚翻身赴玉檻也井立志映冰壺

葛祐女

祐為金谿監銀場吏虧額拷斃二女誓代同躍冶風雷驚發骨已化銀祠祭之

肉化銀鬼不餒慘矣免父之敲骨而取髓

衛無忌

夏縣人六歲父被衛長則殺其叔延則飲以磚擊殺之詣罪太宗賜免禮嫁之

報○一○塊○仇○寬○三○尺○法○父○怨○冰○消○君○恩○山○壓○

秦良玉

崇禎時四川石柱女帥師勤王召見賜幣羊酒御製詩旌之

勤王來也○錫帝筆○振軍聲○羨巾幗○笑簪纓○

修古女

曹修古知興化軍卒貧不能歸賓佐賻錢五十萬女泣曰奈何累先人拒不納

賻也可取○辭也何居○吁其女中之孝廉歟○

文叔妻

樵人曹爽弟文叔妻叔死斷髮家欲嫁之截兩耳爽誅家滅諷之復斷鼻

洗○不○入○耳○之○言○恨○不○同○心○之○臭○去○之○无○咎○

姚氏

餘杭人母汲澗聞覆水聲急出視虎銜母

女○聽○羸○瓶○去○母○邀○全○璧○歸○非○香○之○匹○而○誰○

楊香也

張氏

江夏民婦惡少謝師乞逼汚之張罵謝以

生○秉○節○死○擒○克○粉○化○清○霜○白○刃○憐○香○雪○紅○

永華女

沅陵吳永華女十三與姊采薇虎攫姊

奪○姊○姊○歸○可○媿○李○微○

虎化采薇薇妻可配夷齊

章頂女

歙縣母程與二女採桑為虎攫二女呼

女○奮○臂○母○生○還○夫○如○是○何○愁○生○女○不○生○男○

順德六女

順德李姓名簡琰、玠、潔、寅、璇，皆同堂姊妹，值僞周索餉，欲折沒，俱投江死。

室同居，沒同志，分明六朶蓮，不許六郎似。

畏吾三女

家錢塘諸兄遠仕，母思疾，三女共斷髮誓不嫁，養母同力，四十餘年壽終。

誓不磨，養不疎，德不孤，母在不遠遊，善夫。

馮嫪

漢宮人也，善史書，乘錦車，持節和番歸。楊慎曰：此事勝明妃文姬也。

和我去，持節還，琰泣胡笳動，嬌悲青草連。

楊香

楊豐女，豐刈稻虎噬香，十四無寸刃，遽搯虎頸，豐得免，守孟肇旌之。

一手力，千古傳，虎知懼，弱女父勝得，強男。

馮異母

異從光武母曰汝盡忠莫思盡孝我寧死遂自縊後立廟于饒陽

陵母同志

李母

李順母

事同魂他年大樹此日栽根

君山妻

蔡君山卒男女幼民哀其貧贈賻一萬錢妻程泣曰吾家素廉不以汚夫拒之

民德厚婦意堅廉能成夫志貧不受人憐

三才藻異

古董屠粹忠芝巖著

溷陽曹 錚聲山校

閨秀而詩傳者

柳下惠妻

惠死門人將誄之曰誄夫子之德二
三子不如妾知之也成莫能竄一字

一誄之矢九原之的擲地之聲光天之德

蘇伯玉妻

伯玉使蜀久不歸妻居長安念之作
盤中詩

蜀中人秦中曲盤中詩可傳錦中文可續

紫玉

夫差女也。悅童子韓重，欲嫁之，不得而死。重歸，知往弔，玉形見而歌，贈以明珠。

鶴市珠

沉鳳樓，魂繞可○惜○門○楹○誤○人○多○少○

綠珠

南海梁氏女，作懊儂歌。

爲○傷○石○裂○不○惜○珠○沉○清○風○矯○節○明○月○香○心○

次室女

魯處女，常倚柱悲吟。鄰疑其欲嫁，曰：吾傷民心，悲而被謫。見女貞木，作歌自緼。

嘆室姝懷民社，鄰○彼○憂○葵○乎○愧○此○伐○檀○者○

采葛婦

越王還國，使女采白葛，作黃絲布，獻吳。賜几杖，侯服。婦作采葛歌，傷王苦心。

卧薪君憂投杼婦起寄語苧蘿同心葛藟

衛侯女

姬氏邵王聘之未至而薨太子留之不聽拘深宮作思歸引縊死

鵠不可羈鸞不可續死則柏舟生則桑濮

一作

韓憑妻

息氏宋王築青陵臺望之奪息囚憑作鳥鵲歌投臺死卽連理塚也俱化蝶

歌烏可死化蝶可生莫嗟連理終是連城

唐山夫人

漢高廟中樂詞皆其所作孝惠更名安世樂魏文改爲享神歌傳十六章

郊廟大雅開闢纖腰不期螭首居然鳳毛

花蘂夫人

灌縣五代時費氏以才色入蜀後主嬖之作宮詞百首

藻采詩腸桃花人面莫以藏鉤未諳團扇

烏孫公主

武帝以江都王女爲公主，妻烏孫昆莫。莫老言語不通，乃作悲歌。

莫○憐○紅○粉○莫○泣○黃○沙○匪○寇○婚○媾○天○下○一○家○

樂昌公主

陳後主妹尚徐德言，國變，破鏡爲信。樂昌歸楊素，買鏡得合，命賦詩遣之。

已○拚○沉○璧○頓○合○分○銅○從○新○化○鵲○依○舊○乘○龍○

彩鸞

浦城李文景妻，通經史，能詩。元寇亂，從父逃，賊欲害父，請代。語父速走，題壁罵賊死。

椿○脫○跡○壁○留○踪○素○鸞○悲○皎○月○彩○蝶○怨○淒○風○

子夜

晉女子也，常造曲聲甚哀苦，有四時行樂詞，謂之子夜歌。

及○時○行○樂○喚○人○夢○覺○鶯○語○晨○鐘○雞○聲○殘○角○

竇玄妻

竇尚公主，舊妻被棄，爲書別之，作古怨歌，有「煢煢白兔句」。

郎喜乘鸞妾悲煢，兔琴瑟雖更珠璣不蠹。

蘇武妻

漢武遣武往單于，其妻有荅外畱別詩。

雁帛未通，悅中豈結一十九年傷心齧雪。

卓文君

相如將聘茂陵女爲妾，作白頭吟以自絕，相如死爲之誄。

知音絕代，藻思當年冰霜白首風月朱顏。

班婕妤

成帝選幸，欲載同輦，辭之後，飛燕譖失寵，求入太后宮，作賦自悼，賦純扇詩。

進則魚魚退則燕燕，小扇冰紈大家筆硯。

陶嬰

魯陶明女也。少寡養孤，紡績爲產。人欲求娶，作黃鵠歌以明志。

本舞鏡鸞，非引簫鳳笑。燕雀癡醒，鴛鴦夢。

徐淑

秦嘉妻。嘉爲郡掾遠行，妻病還家，不獲面別，有彼此贈答詩，後毀形不嫁。

爲抱采薪，未歌折柳。遙望青陵，低吟白首。

羅敷

姓秦，爲王仁妻。採桑陌上，趙王欲奪之，敷善彈箏，作陌上桑以自明。

壻亦翩翩，妾非草草。一拍桑間，曲終人老。

蔡琰

邕女，博學善琴，爲胡騎獲，爲后感笳音作十八拍言志。生二子，魏武贖歸，重嫁董祀。

詩曰：只恐琴瑟和鳴日，猶帶胡笳哀怨聲。

王宋

劉勲妻也嫁勲二十餘年後勲悅山陽司馬女以宋無子出還於道中賦詩自傷

夫○逃○巫○雨○婦○歎○谷○風○可○憐○宋○女○不○字○宋○弘○

左芬

字織素與兄思齊名武帝納為嬪姿陋無寵以才德稱帝重其辭藻方物必詔賦

才○已○如○兄○而○如○弟○也○未○見○好○德○如○好○色○者○

謝芳姿

王珣婢也與王珉情好嫂撻之令歌一曲當赦遂傳團扇歌

脂○虎○不○妨○家○雞○豈○厭○王○謝○良○媒○風○流○團○扇○

楊茗華

竺僧度妻也度出家華勸歸與以書見度志堅亦感悟入道

韶○華○易○過○苾○芻○難○翻○感○君○一○切○同○淨○六○根○

桃葉

王獻之妾也。作桃葉歌。答以團扇詩三章。

桃○葉○歌○殘○桃○花○面○杏○古○渡○猶○存○秋○波○不○老○

蘇蕙

竇連波妻。為妾陽臺所譖。蘇織錦名璇璣圖。遺之。遂迎歸。武后作記。

組○回○貝○錦○波○返○魚○軒○才○憐○女○主○巧○奪○天○孫○

李少雲

無子。棄家著道服。往來江淮。煉法精於魏伯陽。病作梅花詩。有方書。詩集行世。

淘○盡○鉛○華○煉○成○玉○液○夢○繞○羅○浮○神○遊○姑○射○

包明月

吳歌十曲。有前溪歌。

聲○聲○絲○竹○字○字○珠○璣○前○溪○新○月○長○照○蛾○眉○

李夫人

賈充前妻父罪坐徙充娶郭氏後李遇赦詔充置左右以郭妬不得還作女訓

蠅赦已邀鸞音可譜何事倉鷗不療脂虎

張夫人

戶部侍郎吉中孚妻有拜新月春日雪消喜鵲詩傳

詩曰眉應似月心乎雪筆到如花字也香

鮑昭妹

歌詩卓絕清巧擬古尤勝昭對孝武云臣妹才亞左芬臣不及太冲

詩曰染翰不慚左氏妹衡才寧讓竇家妻

蘇蕙也

劉令嫺

徐悱妻孝標幼妹悱爲晉安郡卒爲文祭之甚愴有聽百舌聞怨同心梔子詩

束芻呼天揮毫慟地鳥語花飛添君枕淚

王金珠

有子夜四時歌、吳歌十曲之七、皆其作也。

懷情咏絮、含笑生春、四時珠唾、十步金聲。

李弄玉

會稽人、從夫入秦、以山水花木爲娛、夫卒、扶襯歸、題哀憤詩於壁、隱其名。

去○遂○吹○簫○志○歸○傷○舞○鏡○腸○壁○寫○怨○墨○生○香○

沈滿願

范靖妻也、長於詩、所著甚富。

一○腹○青○箱○幾○枝○斑○管○終○日○吟○沉○何○年○願○滿○

王韞秀

王忠嗣女、歸元載、載貧、勸遊秦、別以詩、及貴、驕侈、復諫、以詩、後敗、命入宮、自死。

貧○以○詩○勸○貴○以○詩○諫○塞○韞○誰○憐○操○觚○先○鑑○

謝氏

王肅妻、魏高祖擢肅妻以長公主、謝爲尼、以詩贈肅、有棄故之怨、長公主代肅答之

披○緇○心○甘○纏○綿○心○苦○始○信○空○門○無○非○怨○府○

崔氏

盧士琛妻、春日以桃花和雪、與兒饋面辭以祝之

莫○調○白○雪○莫○祝○鉛○華○崔○家○人○面○原○是○桃○花○

侯夫人

煬帝建迷樓、宮女侯夫人自經棟下、臂囊有詩、帝傷視其屍、美如桃花、禮葬之

錦○囊○血○嘔○畫○棟○魂○嗟○生○無○結○果○死○不○羞○花○

薄少君

婁東沈承妻也、承有才而天薄爲悼亡詩、百首以弔之、未幾亦卒

一○字○一○淚○百○首○百○年○人○嗟○命○薄○天○妬○才○全○

吳絳僊

隋殿脚女，善畫蛾眉，帝喜其柔麗，擢龍舟首檝，號崆峒夫人，有謝賜合歡果詩。

螺黛凝粧鳳舸擊楫，崆峒流霞峨嶠新月。

張文姬

鮑參軍妻，有池竹，沙上鷺，溪口雲，雙槿詩傳。

雲吐胸中，花生筆底，伴我黃姑，竹知我鮑子。

上官婉兒

母夢昇大秤而生，武后拜婕妤，秉機政，勸中宗置修文館。

權翼飛龍，衡持繡虎，彤管風流，墨花雲舞。

大義公主

後周和親突厥，楊堅篡周，公主謀報仇，講和後，賜屏題感嘆，隋搆殺之。

其義如雲，其仇未雪，一息朱顏，千秋碧血。

黃淑

建寧進士王防妻，字致柔，防爲泗州戶曹卒，議改適黃咏竹，見志，遂鬱死，以藁置棺。

燈下吟。塚邊讀不逐水上萍。竊比雪中竹。

徐惠

八歲，父使擬離騷，爲小山篇，太宗納爲妃，極諫征伐土木，帝崩，爲連珠詩，見志。

回天簪脫慟，地球連擬騷。綠鬢折檻朱顏。

宋若昭

父榮，五女俱入宮，呼學士若華著女論，語若昭釋之，若憲司秘書，昭尤禮遇焉。

參差玉樹錯落鴛班，五花鰲禁五桂燕山。

鮑君徽

善詩賦，與宋尙宮姊妹齊名，德宗召入，畱與侍臣賡和，賞賚甚厚。

錦繡胸唱和筆，其大姑英華，其叅軍俊逸。

孫氏

進士孟昌期妻期不善詩孫每代夫作一
旦曰才思非婦人令事廼併焚其集

新篇何如而引燭歟爾獨不見曹昭漢書

林氏

薛元曖妻曖早喪子彥輔等四人悉訓成
名天寶間輔因事貶母以詩送勉之

全我霜姿已而已而勵子冰堅勉旃勉旃

韓氏

禧宗時于祐步禁衢得紅葉有詩亦題一
葉宮人得之後娶韓氏以葉相合

書翻月下葉到人間誰知流水卽是巫山

趙氏

杜羔妻羔父死河北母不知去向日哭趙
勸訪得其母並父墓有贈羔下第登第詩

舅兮璧合姑兮珠還才可咏雪舌亦補天

盧象妻

象有詞翰結襦崔氏微嫌年暮盧賦詩述懷崔立成一絕

傷○春○今○莫○秋○悲○天○桃○堪○呪○水○枯○柳○亦○生○稊○

董潛妻

海寧虞氏歸董兩月夫卒勸更適刻夫像事之全節終有吟菊井上竹詩自況

傲○霜○枝○凌○雲○幹○君○是○木○偶○人○妾○是○鐵○石○漢○

王氏

衛敬瑜妻瑜溺死守制有孤燕集臂以紅縷繫足明春復至贈以詩後王卒燕亦死

失○比○鷦○鷦○徒○傷○燕○燕○情○寄○紅○絲○詞○傳○黃○絹○

侯氏

邊將張睽妻睽防戎十餘年侯繡迴文作龜形詣闕進之帝覽詩放睽還賜絹三百

夫○征○不○復○君○見○猶○憐○得○傳○龜○錦○勝○勒○燕○然○

戚逍遙

南宮人適蒯溥家責以蠶桑戚惟事修靜辭歸絕食作靜室歌三日月屋裂飛昇

心有田室

有天思將麟脯麻姑擗肯看馬頭也蠶眠

光威哀

姊妹三人少孤聰慧聯句精粹魚玄機和之

無父曰孤女三爲嫗唱和黃冠琢磨青案

李冶

字季蘭女冠也幼詠薔薇父決其必失行與諸賢會烏程開元寺劉長卿稱以詩豪

絮已沾泥蘭還芳渚月下僧敲詩中豪許

杭靜

煬帝宮人見唐勢已盛帝猶淫樂作迷樓夜半歌以諷之

羣醉瓊花獨歌李實淺淺蛾睂深深蠡測

魚玄機

補闕李億妾、愛衰為女道士、笞殺女童、

嗔未滅、才堪誇管、還畱藻采、巾已泣蓮花。

裴柔之

元稹妻、稹拜右丞、彌月出鎮武昌、有窮冬到鄉國、正歲別京華、句妻答之、

漫賦詩、且寄簡、欲借武昌魚、暫作華亭犬。

黃耳也

王鳳嫺

號文如子、雲間人、進士張內菴室有貫珠集、

珠如其文、文如其人、問誰媲美、雲間士衡。

楊德麟

司農楊敬之女、十三遊奉慈寺、題六言一絕、自稱關西夫子、二十七代系

系楊家、苗咏謝家、絮石麟、可儔繡虎、可語。

鮑四絃

鮑生多畜聲妓，韋生好乘駿馬。鮑欲馬以四絃易之，命勸韋酒有歌。

鞍再跨。絃更張。歎無情。鮑子羨有義。春娘。

李清照

李格非女，號易安居士，配趙明誠，故再適張汝舟，未幾反目，有漱玉集行世。

鏡已重圓。輿仍脫輶。空過別舟。徒工刻燭。

謝希孟

字母儀，景山妹也。其行隱約深厚，有文集行世。歐陽公為之序。

慕操春。乎聲出金石。師責鮮乎儀。同圭璧。

段東美

妓也。薛宜僚使新羅，至登州屬意之。段席上贈詩，薛至外國想卒，覩回段慟絕。

虎節使臣。蛾睂女子。其亡其亡。雙飛連理。

楊女

越漁者楊翁女美麗詩只兩句謝生求娶令續稱意妻之七年忽題詩令夫續而終

續詩結稿續詩夢楹白頭兩字畱續三生

張氏

彭伉妻伉及第後廉使于公辟入幕府久未回妻寄以詩

曲江宴罷幕府車徵使君有婦挑盡寒燈

何氏

龍游儒婦至正間被掠裂帛賦詩云失身無補君王事死節難酬夫壻恩投江死

詩不朽死猶存江漢長添淚蛟龍不敢吞

許氏

許虞部女妻方勉勉飲友犯夜禁被囚許投詩於二尹鄭毅夫釋之

庭無俗吏獄有飲僊解中聖厄頌細君賢

春娘

子瞻謫黃、蔣運使餞公、命春勸酒、蔣欲以馬易、公諾、春日貴畜賤人、占一絕、觸槐死、

已○侍○人○龍○豈○隨○驚○馬○甘○以○死○殉○愧○彼○生○者○

徐媛

字小淑、姑蘇范允臨妻也、暑年緝學、長工吟咏、著有絡緯集、

妾○有○新○聲○非○宮○非○徵○如○彼○秋○蟲○自○鳴○自○止○

薛濤

字洪度、父官蜀卒、濤以詩聞、韋臯常召侍、歷事十一鎮、製彩箋、居碧雞坊、卒年七十、

碧○雞○箋○巧○繡○虎○才○新○塵○綠○既○了○詩○債○方○清○

風一 鸛 風

石崇婢、戎女也、文詞擅愛、以殉相許、及三十多妬譖之、退為房老、作怨詩、

葑○菲○堪○採○萋○菲○誰○投○不○遺○金○屋○亦○墮○珠○樓○

王瓊奴

徐茗郎妻徐未娶時以紅箋遺之瓊答以詩後萬戶欲奪計殺徐瓊鳴冤自殺

答君一紙雪君一死身既可死情豈如紙

章節婦

金氏許章文寶未婚納妾孕而寶卒金往守子綸成進士勸諫復儲有見志詩

傷懷比翼喜見批鱗無慚皎日賴有小星

曹妙清

字比玉號雪齋杭人善琴行草有法事母孝三十嫁有和楊廉夫竹枝詞

梅花指上落萱草夢中吟烟雲紙風月襟

胡妙端

嵯縣人適祝氏遇苗亂掠去齧血題壁赴水死苗帥爲立廟號貞烈

血灑荒郊今有苗格魂歸剡渚今流水逆

周氏

金山僧使鄰姬置鞋牀下夫歸逐之作詩自傷僧娶之後知訟冤上親鞠之周為尼

鳩夫何愚驢奴何詐既照盆中不防月下

萬氏

龍泉李君問妻夫死守節富室求婚父姑欲奪其志詠枕上繡梅詩示意遂寢

枕邊梅筆底落不願繡雙鸞但願伴孤鶴

沈氏

秀州人入宮試守宮論首揮贈弟春闈詩年來望爾登金闕同補山龍上袞衣

論首選詩並垂墨花蜥蜴吐哀繡鵲鴿輝

嬌紅

蜀人與申純善訂為婢飛紅間帥子慕而強聘之紅悲怨卒申亦死與合葬雙鴛出

虎子耽耽鼠子喋喋彷彿青陵鴛鴦蝴蝶

蓮花女

處士陳陶有清操，節制嚴謨，遣蓮花侍焉。經月不顧，因呈詩求去。

香不染潔空，還喚醒巫山。夢同登玉井，船

梅花尼

不知姓氏，有咏梅花詩稱善。

簷蔔作供，荷菱分披。時翻貝葉，豈賦標梅。

蘭氏

吉安曠家婦，有殊色，爲紅巾掠歸，乃手刃其子，題詩於壁，擲筆自刎。

恨傳蝸壁血，濺龍泉。巢已毀矣，卵亦安完。

鐵氏

鐵鉉力禦靖難師，成祖殺之，發二女入教坊，義不受辱，各獻詩皆赦。

父死以烈女，生以節。何繞指柔，比剛於鐵。

劉宜

大同人至正間與姑華氏被掠華曰勿無刀縊無索劉曰當激賊就死賦庭相遇害

全身何以潔三尺鐵激賊何以烈三寸舌

劉方

父從軍歸道卒方粧男依房主劉養爲子劉舊有養子疑之作燕巢詩方知遂配

繼木蘭粧獲英臺配燕爾新婚如兄如弟

孟荆山

名淑卿蘇州訓導孟澄女工詩號荆山居士常論詩貴脫胎化質爲士林所重

錦涇含葩荆山韞美珠可脫胎石還取髓

李玉峯

名淑媛號玉峰主人朝鮮人學士趙瑗妾遭倭亂死之有班竹怨採蓮曲諸詩

爾貌如蓮爾節如竹夢繞鸞坡魂飛鴨綠

慎氏

嚴灌夫妻，十年無嗣，出之妻，別以詩，便是孤帆從此去，不堪重過望夫山，留如初。

下筆有情采，薜無術化石，無心回天有力。

甄氏

二十適張三，載夫卒，生一子，五歲亦卒，勸改適，作貞婦歌矢志。

孤燈寂，隻影嗟，甘歌魯女木，漫賦洛神花。

崔球妻

球久居太學，夢歸見妻，寫詩寄，後得詩，即夢中句，夢之久，即修書時也。

妾韻初成，郎神先接，要識雙魚爭，如一蝶。

楊慎妻

黃氏，四川尚書黃珂女，慎謫金齒，故作詩多寄遠感懷。

心心北，字字天，南春風秋月盡，是關山。

姚青峨

秀州人號青峨居士十七歸范君和才德兩全早亡舉一子有玉鴛閣集

閨中繡鳳筆底玉鴛鬼不點簿天不假年

戴伯璘

兄與林澄共學澄以詩相酬中秋私會奴持斧入林傷遽殞女緇死合葬之

胡爲乎破瓜墨之葩胡爲乎破斧玉之瑕

步非烟

臨淮武公業妾善文工擊甌鄰趙象弱冠以詩酬答通焉武知答殺之趙遂逃

爲知己死死何足惜只恨鶯花獨遭狼籍

許景樊

字蘭雪朝鮮人八歲作廣寒玉樓上梁文適金成立殉難爲尼與筠齊名

手發桂香心清蘭若乃誓柏人非咏絮者

陳德懿

杭人都憲李昂室通經達務著作甚富後散逸蔣子獲遺稿敗簾中緝爲四卷

遺稿復傳。徽音長遠。多少菁華。荒烟腐草。

金德真

新羅王女無子女嗣立永徽元年真大破百濟之衆乃錦織太平歌以獻

經邦以文。定國以武。幅外箕裘。壺中龍虎。

陸卿子

寒山趙凡夫室性恬淡與趙結廬山中繡佛長齋著有考槃立芝二集

子非俗子。夫豈凡夫。空卽是色。有也還無。

姚月華

夢月墮粧臺遂工筆墨隨父寓楊子江與楊達詩賦往來號鵜鵜會各散無踪

鵜鵜鵜首。灼灼花陰。月圓筆底。鏡破江心。

莫愁

石城女也善歌謠傳莫愁樂二章古歌亦有莫愁洛陽女也

石城解語洛浦羞花誰言彼美不及盧家

王微

廣陵人常輕舟載書往來五湖間自傷七歲背父飄落恒有恨色著遠遊篇數冊

辭我家園泛我行李五湖雲烟一編錦綺

劉震元

金閶人字長卿能詩著奇女集評甚佳

筆之斷句之工名既同司馬才豈遜元龍

李玉英

順天千戶雄女有送春別燕詩繼母誣以奸淫下獄獄中具書令妹奏聞釋之

為憐飛燕錯認奔鵲卿家鼠子喜不齧人

唐宮人

開元續衣製自宮中，有邊士衣中得詩獻帝，訪得宮人嫁之，曰爲汝結今生緣。

著意添綿，無心酬願，萬里征袍，百年繫線。

明宮人

有詩：金針刺破南窓紙，偷引寒梅一線香。蠅蟻也知春色好，倒拖花片上宮牆。

金屋春心，玉階怨望，紅葉難逢，梅花空悵。

玉簫

荆寶婢送侍韋臯，約贈玉環，過期憶死，臯鎮蜀術者召魂語，約十三年後仍續姻緣。

生難期，死可續，玉簫可再吹，玉環真難再復。

舊桃

寇萊公妾，常宴賞綾絹千數，獻一絕及貶過杭，桃疾乞葬天竺，曰：公亦不久，宜自愛。

感慨當年一歌一匹，回首數言一字一泣。

朱靜菴

海寧名淑真嫁教諭周濟工詩至八十餘有集十卷以所配非偶每形吟咏

白雪堪佳青氈頗好莫怨東風蛾睂已老

謝道韞

王凝妻聯雪詩有未若柳絮因風起之句叔獻之議屈施障對客代爲解圍

才○堪○和○郢○心○不○沾○泥○娉○婷○玉○樹○風○月○烏○衣○

屠瑤瑟

家緯真女嫁黃玄覽天詩各畱香草與嫂沈天孫競相倡和可方謝太傳家庭

人○傳○壺○秀○天○奪○家○珍○大○姑○之○筆○太○傳○之○庭○

端淑卿

當塗人適芮氏從父宦邸讀毛詩女範傳通羣書有綠窓詩稿大類唐人

斑○管○豹○窺○綠○窓○鶯○語○彷彿○唐○人○窈○窕○淑○女○

任氏

尚書侯繼圖妻題詩桐葉圖寓寺飄墜拾
葉藏之後卜婚任氏始知葉卽任筆也

韓葉溝流任葉寺邈一片良緣千秋佳話

黃氏

王元妻元貧嗜風月黃喜筆硯共有雅操
元每中夜得句黃起供墨好事者繪其圖

喜風月主得烟雲匹追魚水歡忘牛衣泣

趙德麟妻

未嫁時作詩晚來驟雨歸飛急去作
西窓一枕愁麟見聘之謂廿八字媒

化西窓雨結東牀緣詩魔作伐月老無權

水宗道妻

臨海余季女贅道愧不及辭歸苦讀
余詩招之病死不至夢訣聞計悲死

生愧不如死悲何補用誠文鸞休誇繡虎

